

雙蝶夢



# 雙蝶夢

古本戲曲叢刊三集

古本戲曲叢刊編輯委  
員會影印北京圖書館  
藏清初刊本原書版高  
二十公分寬十四公分

雙蝶夢序

雙蝶夢予胞三弟子陶所撰也。弟名鑑。負奇博古。蹈繩孝悌。苦琢帖括家言。工詩賦。不第。噫。弟于一第猶之掇。而仍仍然未舒于一噲。豈非司文章命者誤其權。亂其末。而旁仄英雄乃爾乎。蓋因秉國者一遘弟于河壘。遂特達相知。奪其堅辭。授以鹿城令。兵氛海上之民。沸然猶魚鼈。弟晝夜寢處城上。同苦含糗。潔已瘁劬。卒保孤城于攻躡之餘。英雄失志。故畧于撥劇整亂。露



其一班耳。或曰。使子陶帶櫺具。佩環玦。如華龍。  
柳褒待詔金馬。陳湯甘延壽。策奇勲于邊圉。好  
古負奇氣。發攢以爲民救。不尤偉歟。予曰。非也。  
扇泉皆通。冬穗可以困十堯。今觀雙蝶夢。並司  
馬衫數傳。奇非鬻淫。無關世教者。平寇殿邦。解  
組尋親。是豈謔贈芍藥。爾裴握椒。徒以蠱俗雕  
心。蟲訟蛇齧。失風雅之餘韻乎。顧坊刻叢說。陳  
氏白氏。龍氏本九宮十三調。不過陰陽啓閉已  
耳。而叶八風。調百度。郊廟燕饗。和神人。化天癘。

斯道之大。鳳獸儀舞。天地昭而且官。媿小雅。寓國風。佗作謳。浪莠言。寄愁埋憂。不處靖而紕放。得與蹈繩者。共牢同鬲也耶。然則英雄亦自有權。亦自有末。非造物所能專其命者。得志爲天下濟。不得志。逍遙自栩。隨地足以分慈。使人來求。正不必待詔金馬門。邴邴然行蹠。眠暝農桑戶口。皆爲文章。何況山權海王。不可爲胸中之輶軫之笙簧乎。雖然。吾弟旣作夢觀。千古涕笑。墨墨夜中也。語云。性命粃糠。爲堯舜勲華。精治

身治天下國家爲緒餘。有爲文章之君者在關  
世教之先。雲龍天鬼三教合爲一視。奚論莊語  
非莊語是夢非夢。嗟乎。登日觀。睇滄海。紅紫蜿  
飛。光耀無極。消納有戶。收入芥子。坎離混沌。彼  
甘陳華龍輩。又安足勦說哉。至是而博古奇才。  
又何有牢騷不平之有。或曰。唯唯。恢諧言笑也。  
卽痛哭流涕也。風雅有璿。英雄無不爲譽。司文  
章命者。肺風腎雨。別駁僕僕。其亦徒勞也夫。

憲漁胞長兄覺斯鐸撰

雙蝶夢目錄

卷上

表略

庭訓

處約

放蝶

牕繡

議攻

逐蝶

淫比

春怨

狎婢

尋盟

別母

兄妹

書劍

謁貴

問卜

演法

卷下

憶子

薦賢

損玉

出師

客夢

水變

背井

訪誤

解組

遷淵

秋夢

賣蝶

詰衷

結婚

見母

完配

目錄終

雙蝶夢卷之上

孟津王 鏡子陶父著

山陰朱士曾敬身父評

門人何都侯漢功氏叅訂

第一齣 表畧

沁園春沈子名端陳留人氏學富才高嘆家徒  
壁立四方離亂蓬茅淹蹇困頓英豪董宅花園  
吟詩弄月天巧相逢識阿嬌蝴蝶夢雙飛逐引  
許配桃夭○兒曹洩露根苗却分散鴛鴦兩處



飄幸寇平功立。尋親解組買舟南下。典致蕭蕭  
賣蝶杭州。訪知消息媒妁參軍結鳳交雙蝶夢。  
莊周作合千載話風騷。

老莊周賣蝶放蝶

張參軍冰人作人

董小姐入夢出夢

沈秀才尋親做親

第二齣 庭訓

高陽臺外土風剪桃花。巢飛燕子。韶光已過三分衰矣。餘年空憂百世兒孫。催人幾度寒和暑。  
雞癮唱又早黃昏。怪雙丸搬弄如梭。老却閒人。

堪嘆人生如夢逐利爭名何用不如高臥林泉  
明月清風相共老夫姓董名策字揚休本貫開  
封杞縣人也奕葉簪纓累傳閑閑素堅道念自  
耽清淨之修甘老林園頗解徜徉之趣夫人許  
氏德並齊眉兒子惟華學慚窺管幸喜女兒璿  
蝶班姬之訓熟傳于母謝庭之咏遠過其兄如  
此才貌雙全尙未許聘不知何日得有佳婿言  
之未免掛懷趁今日閒暇無事請夫人同孩兒  
出來教訓一番多少是好院公請夫人小姐公

子上堂院公傳科夫人小姐公子有請

二郎神慢老旦上愁生鬢子女債牽縈方寸。

淨

扮公子上過膝下趨庭承鯉訓詩和禮間翻添

悶旦上小旦扮借香隨上。嬾嬾辱軀眉黛損陡

覺的羅衣小褪傷情處春殘絮舞點點飛花成

陣相見科外暮年老景不堪延老旦春去花飛

且自憐淨隨處歡娛真受用日啼鶯驚夢過牕

前外夫人今日春光明媚請你和孩兒出來同

一宴賞丑有酒在此老旦孩兒把盞日淨奉酒

科

集賢賓外春風扶柳移翠茵。正當疎懶吾身飄忽人生如一瞬。歎從前空老迷津。青山未隱不覺的頭添霜鬢。合春似錦休負却及時歡飲。

前韻老日相公你悠悠夢斷名利魂。爭奈兒女

勞神。趁此春光何不及時行樂。明月花間成小隱。聽鶯聲歌囀流雲。梅如綻粉好探取東君春信。合春似錦休負却及時歡飲。

黃鸝兒淨爹娘在上我家宦世舊名門。報春光

景色新。狐朋酒友間消悶。外忽介淨背唱科最喜的是樗蒲洒銀。高歌淺斟珠圍翠繞。調脂粉好相親。尤雲殢雨成就鳳鸞姻。

前腔

旦春瘦冷湘裙聽流鶯語句真武陵春色。

三分褪

背唱科愁生翠顰情牽彩雲陌頭幾陣

香風信小樓春蒼烟滿目休負月華新。

老旦我

兄連日春光煞是可人看。你精神不快且暫停  
戲繡不要坐壞了身子。旦孩兒曉得了母親寬

懷

老旦惜香扶侍小姐繡房去罷。旦碧牕斜倚

嬌無力畫閣頻添午夜香

旦小旦同下科外孩

見過來你詩書不用心探討每日淫朋比德將

來何以立身聽我道來

簇御林你須是尊師教善樂羣讀詩書勤討論

懸梁刺股須當憤有日功名成就呵

標金榜稱

英俊

合拜楓宸名揚四海不負訓兒孫

老旦我

兒古人道得好玉不琢不成器人不學不知道

須要聽你爹爹言諦

前聲我見你遵親命窮典墳會朋儕須講文寒

腮風雨好自把精神奮我兒你父親之言不要忘了有日呵子貴顯門楣震合拜楓宸名揚四海不負訓兒孫

淨

承父母教訓孩兒雖是愚魯

讀書之事也要勉強聖人說得好學而時習之不亦樂乎樂者好也妙也外不要胡講聞陳留有一秀才姓沈名端頗有才名不日請來與你讀書須要勤苦淨請便請來當不得業師只是伴讀而已老旦不要胡講

才子梁園茂

文章千古盟

左江屈宋輩

指日會喚鳴

第三齣 處約

望遠行。生上夔龍班馬賦。比屈江流亞嘆零落。  
青瓊何日此身奮發聽盡四壁寒蛩那見高車  
騶駕漫搔首問蒼天天啞。自負才名天地間遭  
逢未遇隱林泉浩歌起舞芙蓉劍抱膝閒吟秋  
水篇。小生姓沈名端字肅卿本貫陳留人也弱  
齡騰李賀之聲三都賦就綺歲入劉勰之室二  
酉目空讀書須讀千卷書興到莞牋獨笑飲酒

莫飲三杯酒。醉餘自發孤狂。寶王質之清貧聲。  
傳水葉綴阿大之霏屑。話在蟬聰嘆介只是數  
奇不偶才大難逢。因此家徒壁立落魄半生哀。

岐路之王孫。萋萋芳草聽孤舟之婆婦滴滴青  
衫風流豈讓司馬。未識琴心篤信窮比尾生誰  
期橋石說有未了母親出來了。

金雞叫貼旦扮生母上夫主嗟亡化鎮日間淚  
珠飄灑十載淒涼孤共寡我兒呵你不下工夫  
怎得門楣大。生揖科貼旦老身陸氏先夫沈大

光官拜翰林學士不幸去世清白傳家惟有詩書滿架冰霜教子那堪門戶凋零泣介陔只是我家貧身老愁苦難禁指生科我兒幸喜你有雕龍繡虎之才可以致身榮貴爭柰功名多蹇姻緣未遂使做娘的時時掛念如何是好生跪科孩兒有父書可讀不愧家聲又承母親教訓定然苦志芸牕以博青紫母親且自寬懷貼日扶生科我兒聽我道來

窮搜百家看萬卷遺編連床架惜光陰鑿壁囊紗有日錦袍高駟馬那時步月窟直上雲霞男兒志虹霓高跨休悞了鵬程萬里騰達貼日這

兩日天氣炎熱我和你尙無單衣遮體我在此做些生活你在一邊看些古書前人道得好三更火五更雞不可將有限光陰輕易過了生謹

依母親慈命

生看書

貼旦

劈麻科

解三醒貼旦

嘆煢煢年華高大更淒淒裙布消

乏說甚麼廻文錦詞織如畫且學個孟母教易

熊

三家今日個勞麻牕下聽兒讀何日裡畫錦歸  
來將母誇兒呵你休閒話也須念態丸嘗苦母  
氏嗟呀

前腔換頭生誦詩書識典謨風和雅展春秋分  
明正與斜讀盡了鄴侯萬卷琅函架蟠錦綉飽  
雲霞今日裡挑殘子夜窓前火有日呵看遍瓊  
林上苑花書呵你通神化自古道文章有價功  
業無涯貼日天色將曉尙未用飯你在此看書  
我到厨下做些飯來與你充饑便了生曉得貼

日要爲世上奇男子須讀人間未有書

下末上

專奉東人命來投賢士廬自家奉老爺之命來

請沈相公去去行行此間便是有人麼生應介

那個末見科我家老爺久聞相公大名乃一代

才子差小人投送書啓請相公與我家大相公

讀書投帖科生接帖看科我乃一介寒儒深愧

疎淺卽小有聲聞不過浪得虛名耳何敢當你

老爺寵召末相公才高入斗學富五車何得過

謙卽日就請過去小人先去回報下生我曉得

了。晉家先請回。有勞多慢。

生學問千箱富

聲名四海聞

未滿朝朱紫貴

盡是讀書人

第四齣 放蝶

外扮莊周上

註就南華數十篇奇奇變變洩幽

玄故將天事達人事果信人生有夙緣自家莊

周的便是參道德之精微識氣數之幽奧浩浩

渺渺生生息息看得破時賢智愚魯都無着腳

處了但天地間事物之理得其一端皆可齊論

你看雲烟舒卷是何態也。水色迢迢是何情也。  
春之盎○○○是何和也。秋之明潔○○○是何清也。風檣  
陣○○○馬○○○是○○○何○○○機○○○也。時○○○花○○○美○○○女○○○是○○○何○○○色○○○也。荒○○○國○○○陵○○○殿○○○  
梗○○○莽○○○丘○○○隴○○○是○○○何○○○悲○○○怨○○○也。鯨○○○吐○○○鼈○○○擲○○○牛○○○鬼○○○蛇○○○神○○○是○○○  
何○○○幻○○○化○○○也。總○○○之○○○息○○○生○○○色○○○相○○○歸○○○乎○○○無○○○有○○○而○○○已○○○

北新水令

俺本是浩氣凌霄御太虛却來傲乾

坤身窮六宇看扶搖隨鵬鳥游泳似鯢魚栩栩  
徐徐一煞里泛滄海離瓊府

我想人生在世非

富貴卽貧賤無識慧則呆痴把目前些小兒浮

元曲

名浮利都認真起來豈不可笑笑介

北駐馬聽蠅角虛無踏盡刀山爭奪取蠅頭糞  
土貪浮血海去撈摸名高斷送衛鞅車財多享  
不了名園富到頭來思卒犬東門顧沒來由總  
是個傷心處如今世上不止富貴名利壞人心  
術就是男女之中有許多不明不白糊塗塗塗  
的事體皆因月老無主水人失算若是佳人才  
子配偶得宜到也痛快

北折桂令一搭兒負聲華喜頌詩書一搭兒繡

閣重樓刺着鳳雛。那才子呵學飽三冬。詞流三  
峽。名重三都。那佳人呵玉壺冷梅賡新句。金蓮  
小竹倩人扶。春倦焚魚纔算得鸞儕鶯侶。倡和  
歡呼。今日只爲沈生與董小姐這段姻緣乃是  
前生分定。無由作合。我將蝴蝶兒做了他的媒  
妁。豈不快活。忽狀想起我昔日夢爲蝴蝶。不知  
周之爲蝴蝶。蝴蝶之爲周。正好玩出個消息來。  
也。

北雁兒落大都來。筭人生似夢途。看多少好富。

免

是元

貴如朝露。就是那百歲的夫妻。勉不得風與波。  
屈指那萬里的江山。搬弄成今共古。說到此間。  
豈不淡人心也。不免喚花神。將蝶兒放去。成其

好事。喚介花神何不到來。內打十番旦扮花神。

四個捧蝶上花神作舞科。

北得勝令。俺也曾近穆宗萬數簇。俺也曾南孝廉輕飛度。俺也曾滕王數日相呼。俺也曾唐明皇宮中戲歸。與恒宿在花深處。摹糊入花叢色。  
不殊外。花神你將蝶兒放入董家園中。成就男

女佳偶一假好事須是要你用心花神應介領

洪旨

北收江南花神呀俺本是奉東皇花吏奴專掌

着千紅萬紫恁扶蘇翻做了氤氳使者捧着合

歡符好輕飛漫舞好輕飛漫舞全仗你香鬚粉

翅作良圖下外呀你看花神放着蝶兒飛入流

家園中去了

北沽美酒帶太平令

外向園林醉芙蓉傍花枝

穿朝露蝶呵休學那來往遊蜂作孟浪徒願你

似鶯儔逐隊呼。如燕侶隨羣舞。消磨了鸞鳳妻。  
楚撮合就鴛鴦思慕永。伴着鵝鵠完聚俺阿祇。  
爲着嬌都羨妹詩書大儒。因此上用工夫成就  
了人間夫婦。

〔下〕  
清江引道心不逐隨風絮。莫道旁門誤。情根萬  
丈深情窟千年固。最是有情人纔合得華山墓。

第五齒 滾繡

齊天樂日情懷癡悶嬌無力。怯怯幾分殘息睡。

合作

去還驚醒來無味殊覺多般岑寂天生弱體怕  
病染傷春瘦怯羅衣默默幽情都付聲聲短嘆

與長歎

長相思

花影移月影移

荏苒光陰去似

飛無心整素衣

小旦

嬌似癡病似癡薄薄春衫

淡淡眉小姐你無端減玉肌

旦

妾身董氏小字

璫蝶昔母親懷孕之時有雙蝶入夢因此取名

父親揚休公官拜司空世振聲名苦守清白幸  
喜雙親在堂齊屆眉壽有兄惟華學業未克人  
嘲曳白今日春色明媚天氣可人且同惜香做

些鍼黹女工却不是好。

**小旦** 小姐你日來身子

不快做什麼針指何不去園中看花消遣。

**旦** 惜

香你休得閒說快取針線過來。

**小旦** 取科

**旦** 紡

**小旦** 焚香科

**玉芙蓉**

**旦** 織織玉腕移欵欵金針刺看光輝

絢彩五色芳菲鴛鴦水畔雙雙戲蜂蝶花間對對

**飛**

**小旦**

小姐你看綉的這朵花兒好像活的一般。

**令饒**生氣看鮮鮮欲垂倒只怕繡成花朶惹

**風吹**

**小旦** 小姐芍藥花繡得有趣也。

前○盞○小○旦○舍○情○芍○藥○欹○嬌○軟○夭○桃○膩○看○紆○廻○曲○

水○綠○映○清○漪○

小○旦○

姐姐○你看○如何○恁○樣○長○天○

惜○香○添○些○香○兒○在○爐○內○

小○旦○

曉○得○頻○挑○寶○鼎○添○

香○蕊○靜○聽○茶○鎗○响○竹○屏○

旦○作○停○針○介○

小○旦○如○何○

做到蝴蝶○便歇了手○

日○惜○香○

你○那○知○就○裡○昨○晚○

一○夢○夢○見○一○對○蝶○兒○飛○來○飛○去○奴○家○待○去○撲○他○  
忽○聽○得○人○說○不○要○撲○壞○了○蝴○蝶○你○一○生○姻○緣○都○  
在○此○奴○亦○不○解○其○意○今○日○刺○綉○到○此○不○覺○停○  
針○旦○停○針○處○怪○雙○蝶○迷○猛○狀○間○牽○情○不○覺○暗○

情○挿○入○有○

消肌

旦長吁介惜香姐姐不要閒愁我與你停

了針黹閒步則個同行科

前腔

旦惜香你看紅殘砌上堆綠老枝頭蓋這

春光漸減悶上愁眉

小旦小姐我看你因春帶

得愁滋味

春去緣何愁未歸

旦無心緒

料愁深

病癡再見不得海棠雨後一一番肥

小旦小姐恁

樣愁懷如何消遣我與你明日同到花園散閑

如何

前腔

日餘香冷翠衣曲恨傳蕉尾惜香你說到

花園中閒玩怕花園惹起雨夢雲迷我待不去  
呵。辜負了依依柳色多嬌媚我待去呵又恐怕  
點點花飛添慘悽小旦我和你明日打鞦韆鬪  
百草要子罷旦休提起把重門深閉可知道愁  
懷萬種四星知旦明早分付園公打埽花徑閒  
步則個小旦曉得。

旦懷春游女與花偕人到園亭花映佳  
只恐蒼苔迷徑滑行來濕透踏青鞋

第六齣 議攻

劒器令

淨扮關賊上

驅兵亂中原到處裏江山

席捲這雄威誰人敢敵果狀所向無前

黑霧黃

風起塞烟青天白日弄兵權刀頭腥血淋漓洒

頭觸不周撞破天自家撞將李自成是也山陝

橫行殺人如同削草汴梁直搗打仗渾似弄龍

到一處殺一處屍橫滿野攻一郡破一郡血染

平川今又領兵攻圍汴梁七月不下原來高巡

撫那老兒其寔城守好生堅固不免喚帳下諸

將到來商議一番多少是好衆將那裡未喚衆

前詮披甲到轅門。傳軍令人聲滾滾。掌兵權神謀奇算。橫行萬馬千軍。小將劉宗敏是也。小將路應標是也。小將張鼐是也。小將李過是也。聞主帥傳令。不免進見。見科衆將打躬淨諸將免禮。我等圍攻汴梁。七月不尅。今日請諸公商議。有何妙計。衆我等費盡心力。攻打七月。傷損我兵數十餘萬。城中嚴守。有如鐵筈一般。不如將兵四下攻圍。絕其糧草。此坐困之道。待其動靜。

再作道理、淨衆將言之有理如此只宜死困便了、

豹子令衆走唱聞說城中多美人多美人金銀財寶大家分大家分隅頭尖角犧劉滾周王宮殿火中焚閨營叫噪似天神喊下

第七齣 逐蝶

香遍滿旦同小旦上林閒煙悄鶯聲奈人忒恁嬌一望蘂蕪芳徑繞花枝低又嫋小旦小姐你看門開在此不免進去旦朱扉傍柳條層樓映

畫橋惜香我和你不到園中阿怎見得春光妙  
小旦小姐我與你轉過太湖石飛月廊同到老  
爺書房中閒玩則個且使得同行科蕉葉綠連  
池畔草桃花紅近竹林邊同下

同上小旦小姐我與你同到大湖石畔鬪百草  
要子去行科見蝶驚介呀如何有這樣蝴蝶兒  
飛來飛去好愛人也小旦追撲科

前腔合偶隨蝴蝶轉花稍舞翅翩翩飛漸高小

旦小姐我同你逐趕他去

旦借香這蝶兒可是

奇怪朦朧恰似夢中嬌分明是千紅錦隊天天  
貌我欲待巧學鶯身來去調生旦撞見驚介旦  
呀如何蝶兒至此忽然不見那壁廂立着一個  
秀才惜香你問他何方人氏因甚到此小旦問

秀才秀才。我家小姐問你是甚麼樣人。爲何擅入我園中快快說來。生揖小旦科。

前腔生我本是秀雅風流俊英豪。小旦你既是

秀士來我園中作甚。生我與你家相公呵筆墨

良朋斷金交。生背唱介這相逢又不是參橫斗

轉月花妖。小旦小姐那秀才却原來是大相公

的朋友。旦你問他到此何幹。小旦秀才我家小

姐問你到此何幹。生我從遠方特地來承教。我

奉你家老爺之命請來與大相公讀書。小生姓



小姐乃三生有幸。望小姐垂青。日羞介借香。你對那秀才說姻緣之事不可如此造次。須是倩

冰人方許結河洲好。

生如此感謝小姐。小生就

此下拜拜科。小旦扯科。生誰猜料百歲姻緣訂

一朝

內喚惜香介。旦借香我等好去也。同下科

生呆望科。小姐。小姐。你好去得疾也。叫我沈端

如何消遣。

醉宜春醉太平。無聊空餘悵望。怪樓中燕子飛。  
入雲霄銀河浩淼。怎。能。彀。填。得。滿。碧。海。藍。橋。我

想小姐環珮之聲依稀在耳輕搖玎璫曳動欲

飛飄。

**宜春令**

想不盡花容窈窕

小姐小姐我好

放你不下恍見他衣光翠影香風飄遙

小旦上

石畔松枝鶴睡穩鴛鴦戲水往來輕相公相公

我家小姐差我與你說今日之事須不是漢上

墻茨搖奔的勾當止因夢中有緣故以親事相

許切不可負心違却前盟須要緊密勿得使聞

與人更有青梅數顆寄與相公

生接介小姐小

姐如此用心令我消受不起

便脫去  
寄詩腐

套

大節高生大聖樂標梅數恰點紅么正春期青

又小則喜的芳心未露酸心好

小旦相公你將

此梅阿節節高盒中罩又將來口內消還要把

在心頭弔

生

小生如獲至寶放在書齋中時時

供養書幃攜處寒暄抱夜來虔供三星照悄語

娘行莫相拋

小旦相

公你須要緊密傳聞惹得

人嗤笑

小旦下科生

小娘子去了將此梅子藏

在袖中且自閒步看有何人出來

丑上

人老衰

年苦花開枝上春相見科相公幾時來在闌中

生我來不多時你相公如何不見

五 我家相公

如今尙未起身詩書也都不看終日只是閒遊

東歐蓮

丑

我相公呵他把詩書棄筆硯拋睡到

三竿日影高

生

老院公你家相公既未起身我

且回去明日再來

丑

相公去了明日來罷

生 背

科從今惹却相思惱暫去也還來到楚魂今已

滯藍橋

金蓮子

怎拾得沒來由害相思這前世

孽根苗

丑

相公還是用了茶去纔是

生 不勞罷

了我明日又要來哩

是元

尾聲准明朝來須早分明是桃源一棹路非遙  
須知道會到天台是我曹

悞入園林芳草稀 偶狀仙子下瑤磯  
今生暗許巫山約 只恐巫山化雨飛

第八齣 淫朋

雙勸酒丑方巾直身裝成光棍朝馳慕奔挨身  
幫襯念嫖經是咱本分賭場中好度朝昏自家  
汴梁城大隅頭李損子便是。一生慣做箋片全  
憑臭嘴喫飯那家遇我家亡這家遇我財散兩

日來沒生意、不免邀哥哥胡子實同去弄大老  
官出來、往花街柳巷騙些錢財、誑些酒食却不是好去去行行此間已是哥哥在家麼

副淨羅

個騙人爲活計、嫖賭作生涯

開門見科

呀原來

是賢弟今日何幹、哥哥這兩日生意缺少、手內

沒有半個鈔板、口內沒有一滴油水、甚是苦惱

腸子都乾斷了、不免同你去拿董大老官、往花

街一遊、何不是好

副

賢弟言之有理、就此便行

行科不下苦中苦、難得世上財

末扮院公喫人

衣飯過日隨主使喚作奴相見科大爺作揖了

揖科末你二人何幹丑副我二人有惡審事情

與大爺相講煩大爺通報一聲末老爺性子利害不敢替你傳丑副再揖科大爺再揖再揖好

反傳傳未傳介大爺有請淨扮公子上

玉井蓮日日昏昏未審何時消悶丑淨揖科你

二人何來丑連日不見大爺甚是思念特來看

看大爺有所不知近日東院中新來了一家女客有五七個好姑娘最興的是劉一楊四其餘

七官金官月郎儒姐個個調脂弄粉人人賣俏  
撾垂笙彈歌舞無所不妙見時就要銷魂連性命都是不要的我二人特來請大爺去看看何

如

淨笑介講了半日說的我魂不附體就此便

行

行科淨住了散碎銀子還要帶些纔是丑正

是

正是要緊的東西少了就成不事了淨抹袖

科

有了袖中還有二十兩在這裡正是能在花

下死做鬼也風流

行科轉灣抹腳此間便是叫

門科開門

開門老鴟上公子王孫至門前車馬

咱見科請進去看淨介丑扯揚科媽媽你不曉

的這就是董老爺公子慣會撒漫使錢哩揚還

要借重幫襯幫襯丫頭快拿茶來有客在此請

各房姐姐梳洗了快出來內應介衆妓上花培

天氣春先勒愁種心苗夢不成副淨丑見科淨

揖科久聞大名渴仰渴仰丑指衆妓科這位月

郎姐這位儒姐這位楊四哥這位金官淨妙妙

妙丑我們今日到此正合兩句古話淨甚麼古

語丑真是遇花不飲空歸去洞口桃花也笑人

淨正是正是快拿酒來丑扯淨背語科大爺可

是那話兒拿來買東道淨與科十兩一封喫了

再算衆妓送酒科丑我有一句話敢說如今世

界啞酒難喫淨正是正是衆妓喚科拿笙簫絃

子來衆彈唱科

聲妓家  
身口

黃鸝兒一見便相親喜才郎遇麗人前生結就

今生分章臺笑顰陽臺雨雲今霄勾却相思恨

問東君青樓情種無處不溫存淨丑稱贊介妙

妙妙不可當也丑大爺我聞外邊有個弄猴猴

的叫他來要要何如

淨快叫來燥脾襍扮弄猴

上要得世人錢須弄弼馬瘟小人弄猴進見

丑

淨快快弄起來大爺看

弄完科淨賞銀三兩去

罷雜扮獅蠻跳獅上火眼金睛獸銅頭鐵腦精

大爺

稟大爺跳獅子要見喚他進來見科淨快快跳

來跳來跳科再賞三兩銀子衆妓進酒科大爺

再進一杯酒

丑衆位姑娘還要勞動一個小曲

衆妓唱時調曲完科雜扮兵丁撞進扯妓科淨

丑衆共譁打下科

第九齣 春怨

此齣轉  
轉生恣  
千層意  
味

遶池遊○旦○深閨靜院砌○露蘭芽淺○看黃鸝往來

如翦梳粧淡染○恁丰姿含愁含怨沒來由○花園

那邊○一剪梅○一片春愁帶雨過○欲步殘莎懶步

殘莎○花香吹散曉風多○心事無那好事無那奴

家○璿蝶○那日同惜香花園閒步○忽有奇事出於

意外○夢兒也想不到○幾日來心緒不快○又兼深

閨○無聊○好生悶倦人也○

二郎神○旦○難消遣○問心○心因何○悶倦○把斷火餘

妙詞

香和玉剪寒雞殘月無端幽恨綿綿這心曲深沉難自展怪柔腸紆迴數轉恁牽纏只剩得腰肢瘦損誰憐自從園中逐蝶偶遇那生想是前世有此緣分今日放他不下是何意兒煞是牽人心也。

正好

前腔換頭情牽神縈意惹心如斷鶯奈春老紅殘深小院怕鶯聲啼怨將人暗送流年悔恨奴家當日在花園時節不該輕易就將姻緣之事許他免得今日如此愁煩悔容易當初輕見憐

翻入

怎怪這閒愁一串。今日呵恁倦倦便腰肢瘦損。  
祇自堪憐。那日遣惜香送青梅與那生定然有  
些言語回答不免喚惜香出來問他個端的。喚

介惜香那裡旦應介來了。

集賢賓小旦鶯聲爲甚簾外喧。料春愁已到眉

尖見科姐姐喚惜香有何說話旦惜香連日爹

娘跟前不好問得送梅子時節那生有何言酒

荅小旦姐姐不說起時惜香也幾乎忘了那生  
呵他說感賢姐多嬌情意婉旦誰教他感甚麼

入情

小旦 他說一見小姐阿病膏肓旦夕熬煎。今生  
那遣旦 他說今生那遣難道就死了不成。小旦  
姐姐那生就是不死阿也奈不過春思淹倦看  
他人品風雅甚是可人。劉與阮算來是洛陽名  
選旦 聽你說來那生果是多情惜香我也瞞你  
不得了。

前聲旦 時常夢裡多掛牽。

小旦惜香看來這幾  
日姐姐神思不快果是有此掛牽。旦依稀光景  
留連把我情懷提掇轉悶難除睡又無眠。小旦

姐姐如此怎生是好日心中自剪弔隻影一絲。

日

○

○

○

長線合緣分淺天台路幾時重踐

小日

姐姐不打上

須煩閑那生與大相公是會書朋友只因連日

天雨連綿不日到來有信時密密通報小姐便

了

黃鶯兒

小日

○

○

○

○

○

○

○

○

○

○

○

○

○

○

○

○

○

○

○

○

○

○

○

○

○

○

○

○

○

○

○

○

○

○

○

○

○

○

○

○

○

○

○

○

○

○

○

○

○

○

○

○

○

○

○

白又轉  
妙甚

轉入妙  
絕

半不周全

日

惜香我想來也不該恨自己命薄

也。不。該。恨。着。那。生。小。日。却。到。恨。着。甚。麼。來。日。只。

該恨着那一對蝴蝶兒

前腔

日 粉蝶浪飛顛弄花魂上下翩猛狀恰會

書生面

借香自從園中一見致有今日之怨相

思夢纏愁懷萬千而今追悔難重見

小日姐姐

何年吹簫樓上除是共登仙

小日昨晚小姐睡

前生果是姻緣自有相會之期何必愁煩日會了老爺分付院公去請那生來會書料他天晴

又唐

層  
又轉一

了一定要來我將小姐言語傳與他使他求媒  
央親以講秦晉便了日咳惜香那生想是家下  
貧寒你老爺要尋門當戶對的人家那裡便肯  
許他今生罷了除非是再生相會也

琥珀貓兒墜

日

他家徒四壁怎把赤繩牽自恨

孤身多命蹇怕將姻事變成冤天天怎得嚴親

意回心轉

小日

姐姐那生來時惜香討個分曉

回報姐姐料他不是負義忘恩薄倖之徒

前詮小日多情才貌定是渴文園婉轉須教細

不說了  
妙

語傳幾般心事好難言。天天怕的是月落鳥啼夢迷魂遠。

尾聲合傷心夢裡愁無減。這情況有誰瞧見只有一盞殘燈熒熒的對枕眠。

夜半吹風到海棠。驚分夢裡兩鶯鶯。  
惜香喚醒頻頻問。不了愁懷偏話長。

第十齣 狹婢

三台令小旦上 爐香花粉纔收。又見蟾蜍上樓。

晚鷺下汀洲。觀風光。依稀暮秋。

如夢令 幽夢忽

愛  
餘波可

有姿

逗○許○多○情○思○出○來○

香遍滿小日相逢邂逅如何恁狀不自由小姐  
小姐爲甚今番情最陡傾開歡笑口遠山半鎖  
愁纖腰一捻秋弄得個懨懨瘦行來已到園門

首你看門兒尙未掩閉我且到飛月廊閒步則

個虛下科

梧桐樹

淨扮公子上

花陰映遠樓月色穿虛牖

竊玉偷香惟我稱

潤溜適纔看見惜香來園中

汲水隨後趕來如何不見真是蹠而蹊之古而

伏妙

怪之乎也。待我去太湖石飛月廊各處尋來。

尋

科撞見科

喫你却叛在這裡我那一處不尋到

來小旦正色科

你尋我做甚麼

淨我見你來園

中取水特來看你你還不知道這園中有許多

鬼怪青臉紅髮好不怕人恐怕嚇壞了你來與

你做伴兒

小旦

鬼怪我也不怕那個要你做伴

兒

淨借香姐

你看月光淡淡花影微微好不動

人情意只怕時光一去再沒的尋來梅殘嬌態

收蘭萎香不又你獲惜春光只怕風雨催花驟

勸佳人早赴青春侯

浣沙溪

小旦背科

他情漫兜言頻扣怎知我石

心難逗

轉介縱花開花謝芳菲侯却笑你浪宕

狂蜂空自遊

手指介相公

你真扮丑須知緣木

求魚枉挑釣這纔是花面堪羞

浮惜香姐你這一頓捲白臉上皮都沒了憑你怎麼樣打罵我

只是不放你去小旦行淨攔阻科小旦快快閃  
開放我過去淨喫若要放你去除非是說一句

好話兒

劉滌帽

淨

你丰神恰是文君友

就是小生呵也

比得賦高堂宋玉悲秋鴛鴦一處成婚媾。況我這表人物也不玷辱與你須效鸞儔肯把你輕

輕丢手。

近小旦小旦避科相公你這樣無禮我

要對老夫人說哩。

淨揖科惜香姐憑你對誰說

我只不放你去。

小旦相公你聽我道

秋夜月

我是侍女儔不比金閨秀山雞鸞鳳如

何就。

瑤花野草難同臭恰參商卯酉豈鸞交鳳

友。

淨惜香姐你如不從我就死在你跟前罷跪

複得妙

下不起科 小旦背語科 似這樣呆人 我如何得  
脫手 不免要他一要轉語科 相公 你既有情 我  
豈無意 只是我適纔來時夫人小姐尚未睡里  
你在此等着我去張張便來 淨姐姐有此美意  
我在此專等 不要哄我去了 小旦發誓科 我若  
哄你 天知地知相公 你說園中有鬼怪到也不  
差實是有的 你也要把胆來放大着些 見我便  
來也 淨蹲地相候科 等了許久 如何不來 想是  
夫人小姐還未曾睡 只得奈着心 再等一會內

响介淨忙看科呀我只說惜香來了原來是風

敲竹聲又等科小旦帶鬼臉舞上趕淨打科淨

叫喊倒地科末扮院公上園靜無人到如何夜

半聲見淨科呀如何大相公跌倒在這裡扶科

淨救我救我有鬼有鬼末相公如何有鬼淨那

鬼青臉紅髮好不利害

東甌令真鬼怪活骷髏末這樣怕人淨火眼金

睛臉似猴末說來一怕嚇人了還怎麼樣淨獠

牙猪嘴聲聲吼嚇得我難禁受渾身上下汗長

流將我真魂收  
未相公相公聽你說來真是鬼  
怪了

祟

又生波  
瀾

金蓮子  
末昏夜頭誰料你無故受此憂聽言不  
謬冤崇爲仇早向神明前禱告只願鬼休休  
淨

搖頭疑介待說

院公適纔那些光景可也怕人  
是鬼下邊怎麼穿着一條裙子一雙小小得腳  
兒待說是人如何他又青臉紅髮可疑可疑  
尾聲恰纔被鬼來廝耨我命裡今生不偶只怕  
還未必真是鬼也好是黛粉紅香一女流

三分似人不似人 七分是鬼真是鬼

### 第十一齣 尋盟

生上

名園偶爾覓芳辰。擬是瑤天降玉真。無限

懸慙多情處。最是牽人最繫人。小生昨到董大

人園中與小姐偶狀一遇便以百年相許。又着

惜香姐送俺青梅真三生有幸。但那日匆匆而

別未得盡所欲言。今日與董兄會講再討一個

消息。何不是好。正是雙打情眸迎小盼。喜來青

鳥踏香塵此間已是園中了。小姐小姐。

桂枝香生芳容堪愛春心無奈好教我一種相思變做了多般情態不要說是小姐就是侍女惜香呵他也慇懃意致慇懃意致將人禁害今

日阿猶俟乘間相待

內望科

呀來了步瑤階一

嫋嫋翠帶羅衫袖一些些凌波錦鳳鞋

生立往

內呆望科淨出撞見科沈兄沈兄往裡邊呆呆

得只顧看甚麼想必有此緣故生作慄態科適

纔看兄不見出來故此相望淨未必未必我和

兄同到書房中去行科淨沈兄今日是個好日

子且不要會書待改日再來會書罷生董兄令  
尊老先生請小弟來伴讀要大家有此進益纔  
好不可如此取笑淨且住沈兄自是博古通今

到不曉得古詩有四句說春天不是讀書天夏

日炎炎正好眠到得秋來冬又到不如收拾過

殘年小弟直等過了四句詩方用功哉生生又

來取笑過了四句詩一年便完了淨不要嚼咀

我與兄且閒散走走喫茶看花快活快活何如

廸科梅併看茶來淨扯生看科這是扶桑花出

在、外、國、這、是、建、蘭、出、在、福、建、生、果、狀、妙、淨、這、是  
茉、莉、這、是、魚、子、蘭、妙、不、妙、生、妙、妙、淨、這、是、飛、月  
廊、太、湖、石、木、香、架、好、景、致、也、生、真、是、佳、景、令、人  
觀、之、不、盡、

不、是、路、合、花、氣、幽、香、萬、紫、千、紅、水、一、方、情、懷、暢、  
風、流、意、興、自、豪、狂、生董兄董兄喜相傷好似蟾  
娥、宮、裡、竊、花、賞、背介神女峰頭待雨忙  
淨沈兄  
你、多、顛、況、書、牕、動、覺、青、暝、响、夢、魂、如、喪、情、懷、飛

蕩

雜送茶用科

淨

沈兄小弟暫且失陪告一個

便兒就來。生但憑尊便。淨下科。生小生來到園中與董兄盤桓半日如何不見一個人兒出來想是小姐與惜香姐尙不知小生在此奸生盼殺人也。

長拍千縷幽懷。千縷幽懷。萬般心事。情緒怎生安放。小姐小姐。怎與你攜手花前悄聲耳畔說。今生旦晚成雙笑介。我好癡人說夢也。望科。你

看牆兒恁般高。昔日張生說粉牆兒高似青天。今日看來果是不差。天棧隔東牆。想他花容月

貌怎從空降。

聽科

呀恰似有女子聲音一般忽

聽得嬌語囁囁呼侍婢聲隱隱透西牕。

再聽科

一發錯聽了原來是鐵馬風前鬪囁敢書生耳

醉性亂心狂。

小旦上

鏡中羞見青鸞舞客舍喜

聞黃犬音恰纔梅伴取茶說沈相公在園中不

免悄悄去將小姐這一段情懷說與他討個信

息。

見科

果然相公在此小姐差奴家來看相公

生忙問介小姐怎麼說。

小旦

我家小姐浮撞見

科。唬惜香你來園中說甚麼。生小旦驚忙介小

妙在半句

關目細

旦沒有說甚麼淨女子家花園做何勾當小旦

我來園中採花佛前供養淨你來折花如何走

在沈相公面前小旦違狀到此何曾有句說話

扯小旦背語科昨晚是你裝鬼嚇我今日却到

來與別人調情小旦噴淨面下科淨沈兄好不

老實與惜香小丫頭說話生小弟原不會說甚

麼

目 又磨  
絕妙關

短拍生我一介書生一介書生兢兢禮法奉尊人請伴芸牕不作醜行藏怎揣我做桑間濮上

淨沈兄不會說話也或有之得罪了。[揖科]我已

[揖科]我已

請罪陪笑不必掛懷恐怕聲揚傳遍惹傍人月

旦與雌黃。

[淨沈兄請了請了好不老實。[下科]

生

事已敗露也不好久戀於此我聞參軍張維翰

在太原不如且去投他再作道理只是小姐再不得相見了。

尾聲。生從今打疊相思帳受不盡淒涼情況真

個是地北天南各一方。

一樹梨花半樹稀。南來燕子北來飛。

孀

惹人無限傷心處。况是明朝復又西。

第十二齣 別母

夜行船貼旦上幾載孤霜形顧影愁苦事說起。  
傷情子未成名娘添憂病白髮惡增青鏡老身  
陸氏廿載孀居哭泣無倚止有孩兒沈端朝夕  
侍奉甘旨連日董大人請去會書如何不見歸  
來。

粉蝶兒

生上

去訪多情渾似銀瓶落井

見科母

親拜揖貼旦我兒你連日在董大人處工課如

何可有進益否。生母親在上。董大人相待甚厚。  
只是公子非文墨中人。且平日相與朋友。都非  
正人。看來終無結果。况我家下貧窘。無以聊生。  
常言道治世尚文。亂世用武。不如棄文就武。太  
原府有一張維翰。見做彼處參軍。且去投他。再  
作道理。

貼旦我兒言之有理。你幾時起身。  
生孩兒別了母親。就要起身。只慮母親年高。身邊又  
無倚伴。如何是好。

貼旦孩兒不必掛念。有隣母在家。早晚相伴。你放心前去。便了生。只是做兒

子的割捨娘親不下悲跪科

轉

簇御林生離膝下兩淚零缺承歡百感生高堂  
年老淒涼景念菽水誰恭敬漫牽縈天涯遊子  
魂夢遠門庭母親孩兒不去了貼日我兒你如

何又不去了生母親在家孩兒終是難捨老日  
我兒不要如此求功名正是好事

前腔貼日功名事莫暫停况男兒志遠行只是

做娘的阿自憐孤寡貧寒命嗟隻影孤燈映我  
兒只慮你此去阿短長亭鶯聲茅店水涉共山

登我兒我還有一言分付你父親在日與睢陽  
王年伯最是相厚聞王年伯王伯母雙雙去世  
止生一女名喚若烟我欲求媒說親你意下何  
如生但憑母親只是姻緣事小功名事大孩兒  
就此告別了拜科

尾聲生從教露漿重衣冷悲哽無聲腸淚零貼  
旦我兒你只索頻寄鱗鴻慰母情

出門腸斷艸淒淒怕事傷情又別離  
今夜不知何處是啼猿相送太行西

第十三齣 兄妹

秋葉香 小生世事顛連離亂。何時得展放眉端。  
匣裡青萍光氣煥。積漸裏吁吁憤懣。世路悠悠逝水波。予懷渺渺奈愁何。數年愁苦心間事。欲語難言。感慨多。小生王森字百洲。本貫睢陽人也。先人官拜尚書。母親許氏不幸俱亡。止有妹子。若烟年方及笄。尚未許聘。小生已虛長十八歲。姻緣未就。只因連年兵戈滿目。豺狼當道。如何是好。說有未了妹子出來了。

前腔貼旦上雜扮老嫗隨上怕得時光空換日

日裏淚濕香紈語話微微牽愁絆悶積處花陰

暫歇

相見科

小生妹子連日天气爽靄幸喜兵

暫息可以隨時消遣

小旦哥哥正該如此

生妹子昔日聽咱爹爹常說陳留有一年伯姓

沈甚是相厚近因兵亂彼此不通音問只是我

兄妹二人苦背雙親未效于飛之願胸中萬卷

徒來蘇子之歌好傷心也

惜奴嬌小生心事千般歎英雄未遇幾多愁怨

相依兄妹只爲未遂乘鸞心酸慚愧粧奩無千  
貫小旦哥哥異日之事何必掛念生念雙親愁  
難斷合且自寬好就春風花下兄妹同歡

前腔換頭小旦

眉攢須要達觀

哥哥且喜好景

芳菲滿目煙樂因時消悶有日貢禹彈冠桓桓

男兒志氣文章煥上青雲登仙館

合且自寬好

就春風花下兄妹同歡

小生

妹子我今日正與

你商議太原有一張維翰見做彼處參軍是咱  
爹爹故交爲人厚重多謀才堪濟世又禮賢下

士謙已尋人。我欲投他麾下。以圖進取。不知賢  
妹意下何如。

小旦

哥哥功名大事。自當努力。何

日起身。小生目下就要起身。

小旦

妹子家下有

養生阿母作伴。哥哥不必掛懷。

丑扮媒婆上

鸞

風天配。皆前定。須要人間作合。山老身奉陳留

沈安人之命。到此王府來求親事。此間已是不

免進去。

見科叩禮科

媒婆叩頭。

小生

起來起來

你是那裡來的。

媒婆

我是陳留郡沈安人差來

的小生。

就是沈年伯那裡麼。

媒

正是正是

小生

來此何幹

媒

奉安人之命說王爺府上當日與

沈爺是相厚同年只有一位公子一位小姐特

來與大相公求門親事

小生

你家大相公幾多

歲了

媒

我家大相公年紀二十歲了人品甚是

整齊

小生轉科

妹子適纔說陳留有一位沈年

伯與咱爹爹最爲契交這便是了况姻緣之事

門當戶對却也妥當不知妹子意下如何

小旦

妹子乃女流之輩曉得什麼

小生

如此甚好當

今兵戈離亂之世難得此門當戶對人家

媒

正

是正是小生媒婆過來此親却好謹依來命但  
允便允了異日禮節不必十分求其全備彼此  
達中便了媒跪科多謝官人許此親事就此叩  
謝

錦衣香小生千里牽一門眷百歲緣三生願天

生羨玉明珠良緣非淺小旦自慚難比玉嬋娟

蘭心蕙質態度疑仙蒲柳自堪憐効蘋蘩怎事

名賢

小生

妹子我家與他家呵前世曾相善今

日阿把朱陳重選夫妻好合榮華歡忭

尾聲 丑這場姻事真堪羨女貌郎才兼擅合從

此歡娛共百年。

天配姻緣非偶狀、玉蕭聲散五雲端、赤繩繫定百年事、總是前生未了緣。

第十四齣 書劍

元曲

山坡羊 生傘包上望悠悠遠村煙樹意紛紛陰風吹絮重重叠叠千山暮雲白白茫茫一派荒涼渚途路糺汾陽絕雁魚家鄉夢遠人千里飄泊孤踪流落何處愁予路迢迢騎怎驅長吁囊蕭蕭

一卷書遠遠望見火光想是人家到了不免近前投宿則個虛下丑扮道童上道高龍虎伏德

重鬼神欽自家道童便是我師父昨日出山去了臨行時分付說童兒你不要遠去今晚有一白衣秀士來此借宿他是貴客你不要怠慢了他如今茶兒已烹熟嵒等無人到來不免高叫幾聲叫科貴客在那裡貴客在那裡來此投宿來生上荒僻無人到晚鐘何處聲撞見丑摔生衣科喫來了來了你就是貴客麼生甚麼貴客

丑 嘆我師父臨出門時對我說有一位貴客借宿你却到來想就是相公了不差不差生問科

這是甚麼區處

丑 這叫做雲華觀甚是幽僻進

去進去裡邊坐下我點茶與你喫生人生疑介如何

曉得我今日到此奇怪奇怪生看科好一座雲

華觀院宇幽靜殿閣穹窿三清像莊嚴而古九

天女風雅而文雀睡松枝螢歸萬葉人踪不到

之處仙家往來之所也今晚寓此甚是清靜只

是母親在家中如何獨自消遣得過

五更轉生嘆我身如飛絮。痛娘親獨倚間悽悽。  
冷冷誰與同朝暮。目斷天涯意迷雲樹。那時分  
別。子母好難割捨。重重淚戀戀情真。難語教我。  
怎不傷心緒。展轉庭幃倍添思慮。我相匆匆行  
來。又不曾通音信與小姐。好生悶人也。

江兒水徒有一腔事。從無半紙書憑空惹下相  
思路。無端閃得分離苦。何時博得重完聚。可恨  
那日惜香出來。被公子撞見。未得一言相告。一  
霎分離無據。教他展轉思量。參不出其中緣故。

道僮上相公請用此茶飯何如生來此打攬不

當穩便茶飯亦不用了你自去睡罷

道童相公

果狀不用了我收去罷正是遠路人多倦無心

用水茶下科生看科呀桌兒上如何一刃劍一

本書待我看來上寫詩四句書劍贈君去留心

着意尋功名應遠到風霜用意深呀分明是將

此物贈我却也奇怪

川撥棹生書文古劍寶光新出土感道人詩句

明書感道人詩句明書付靈奇叮嚀告予展風

雲萬里圖掃塵霾萬姓蘇不免將書劍收藏了  
异日定有用處况目今亂世恰當用武我名字  
喚做沈端今日投參軍籍貫姓名改了以便進  
取思介有了我母親陸氏不如且從母姓就改  
名陸虎便了夜已深了不免睡去明日早行則  
個

萬事從來有定、  
書劍眞人相贈、

他年若遂風雲  
方顯仙言靈應

第十五齣 謁貴

西地錦。未上衆隨上。掌握金湯端坐。貔貅百萬。  
揷戈腰懸斗印威風。大功成永奠山河。月掛刀  
頭樹色寒。轅門時見草班班。男兒欲佩封侯印。  
肯臥鼉鼇錦帳安。下官都撫參軍張維翰是也。  
威風赫赫氣概桓桓。干戈耀日雄聲振乎塞垣。  
將士如雲謀畧定于幃幄。治文兼治武。選將更  
求賢。這些事都不在話下。昨日有個故人之子。  
叫做王森。又有一個秀才叫做陸彪。同來參謁。  
只因軍務忙冗。不會相會。今日必定又來參見。

喚堂侯官副末應末昨日那兩位相公到來卽便通報副末應生小生同上欲爲當時用先來救大賢生小生陸虧是也小生小生王森是也今日特來求見張老大人大只得在此相候二生各揖科生兄貴姓大名仙鄉何處小生小弟王森字百洲本貫睢陽老兄高姓大名仙鄉何處生小弟陸彪字肅卿本貫陳留小生久仰久仰生不敢不敢小生就此一同進竭張大人便了入見科二生大人請上晚生輩有一拜末老夫

亦有一拜二生相拜未還科二生自慚樗櫟幸

接斗山未深愧桑榆歡瞻桃李各坐科未王兄

昔日曾與令尊年兄相交二十餘年回首今昔

不勝零落之嘆今見長兄如見故人一般小生

家君昔年多承老伯雅愛至今銘刻末陸兄相

貌堂堂定膩腹飽千箱才高入斗异日大用之

器也生晚生久懷附鳳今喜登龍曷勝雀躍

剔銀燈生誦詩書晨昏切磋嘆功名年來折挫  
唾壺愁擊星星破恨豪傑文章耽誤拱手介摩

英氣如  
見

淨須求網羅願投筆相依伏波未陸兄高才不必悲憤

恰

前○豁○小○生○椿○庭○喪○言○之○淚○落○嘆○伶○仃○棲○遲○無○那○  
未○令○堂○近○日○康○健○否○小○生○笄○笄○形○影○衰○年○母○末○  
宅○上○更○有○何○人○小○生○有○弱○妹○笄○年○未○過○拱○手○科○  
蹉○跎○男○兒○坎○坷○望○推○念○通○家○誼○多○

前○豁○未○從○別○後○尊○人○病○疴○自○從○與○令○尊○別○後○久○  
無○音○信○今○日○裡○始○得○從○頭○說○破○不○由○人○淚○淋○淋○  
兩○行○君○前○墮○喜○兄○妹○無○災○無○禍○蹉○跎○權○時○安○妥○

乘雲雨一掃風波生小生承大人教訓了末堂  
侯官何在副末應末將三位相公送在書房中  
去時時用心伏侍不可怠慢副末應曉得了

貧苦無人問

榮顯天下知

大人提携處

二子運通時

第十六齣 問卜

一江風

旦同小旦上

翠鬟挑恰已梳粧了

旦惜

香梳粧已完我與你閒步則個惜香小姐前行

惜香隨後日惜香你看好一枝粉團花兒你與

我折將下來。小旦揪花介手撚花枝笑。小姐這

花兒好愛人也。日喜他葉初嬌。小旦我與小姐

戴上挿花科。戴上一發好看。翠壓烏雲紅點。

金釵果是如花貌。日惜香只愁色易彫風吹片

片飄徒怨那鶯聲老。小旦小姐昨日老爺差人

與那相公送禮。連日無信。想必遠行了。日惜香

可恨那日被相公撞散。再無半點音信。甚是悶

人。又不知他去了不曾。小旦惜香聞老爺說他

要往太原一定去了。日不知太原在那裡。小旦

小姐我們是女流那裡曉的

前。詭合他遠迢迢獨上陽關道可料的愁多少

且惜香怎的討得一個信兒

小旦小姐信兒甚

是難得恰便如銀瓶墜井一般去難撈

旦途路

風霜愁苦飢寒朝夕誰依靠憂來悶怎拋吉凶  
寄信遙平安雁帛何時到

水底魚丑扮賣卜上終日敲敲街頭走幾遭五

行八字算他低與高自家乃汴梁有名的許禡

嘴便是雙目失明自幻學得幾句子平又與人

家起課連日城中沒有生意特來外縣騙幾文  
錢鈔不免街上撞撞叫科賣卦賣卦日惜香你  
聽那不是賣卦的小旦聽科正是旦惜香你喚  
那賣卦的來小旦喚科賣卦先生這裡來丑應  
科那裡喚我小旦這裡這裡丑揖科小旦先生  
就地坐了罷丑坐科日惜香你問他可是看子  
平看五星小旦應問科丑件件都會子平更精  
說八字來旦小旦忙驚介惜香那日匆匆圓  
中一面那裡曉得他甚麼八字小旦應科正是

情到痴

處光景

宛狀

怎麼處。且惜香你問他沒有八字可算的麼。小

旦問科先生沒有八字可算得命麼。五大笑科

世上有這樣事沒有八字如何算命不要說我

許擣嘴就是神仙也算不來。旦小旦商議科丑

我也會下課。旦忙問科惜香你問他下課可不

用八字的麼。小旦問科先生下課可不用八字

的麼。丑不用的只說個時來。旦與小旦喜介不

用八字下課罷。小旦先生說個卯時罷。丑問甚

麼事可是疾病功名行人財帛。旦是問行人的。

丑問行人可是男人女人

憶鶯兒

日二男俊豪趨遠交草店寒雞暮雨飄

五

元人

去了幾時來

日兩月

離家音信杳

五

黃鶯兒風塵

露霄明月斷橋那人可是平安好卦中爻吉凶

判斷明說與吾曹

丑住了住了待我看來

五搖

課科天地三光日月開張周易神課決斷吉祥

袁天罡先生李淳風先生鬼谷子先生先天卦後天卦入六十四卦吉者報吉凶者報凶吉

凶一判禍福分明

排錢科

單單單三見單折折

附錄  
詩文景

折又三見折思介

人句句元

前盤丑我算命高起課着勞金一兩要先交稱  
來切莫少分毫小旦先生只要看得着課金自  
然從重送的只是行人吉凶何如丑行人吉凶  
麼恩榮未明風波盡消看來卦畫多嘉兆一些

風波也沒有甚是安穩只是功名尚未遂心到  
也平安平安旦看他幾時回家丑外交不動回  
家尚無日期還遲着哩正遊遨歸期無准未必  
在昏朝旦惜香把五錢銀子與先生去罷小旦

與銀科丑正是算着吉凶事，撈得銀子來。丑下

小旦姐姐那先生看課到也應驗。日也說着此

兒。

皂羅袍

日他卦畫端詳說到料吉凶有准禍福

非遙平安兩字免心焦功名何日舒懷抱。小旦

姐姐卦爻吉祥那生想是平安只是旋歸無期

怎生是好令歸期無定難卜大刀天涯人遠心

旌動搖黃昏獨對殘燈照。

行人遠去在天涯。班馬蕭蕭日正斜。

閨夢徒勞音信斷。恨無飛鴈落平沙。

第十七齣 演法

步步驕生

只爲此小功名。將家鄉遠蓮幕棲飛

燕愁來意緒牽。只見幾卷圖書半床筆硯。拋撇

北堂萱縈結西廂怨。小生沈端更名陸彪。到張

大人館中留連數月。母親在家信音杳然。過蒙

董小姐垂愛。訂以姻緣之約。不期又遭分散。風  
波易起。雲雨難逢。難道就是這樣罷了。倘後會  
有期。也不在今生今世。只是眼前却不悶殺人。

也。前日自雲華觀中借宿得有書劍在此。今夜  
清閒不免張起燈來細細觀看一番。以消長閑  
多少是好。展書觀科

醉扶歸。我把書囊開展。細鑽研。只見蝌蚪揮來  
字。疑仙。看介呀。原來龍韜虎畧徹幽玄。又是奇  
門遁甲藏機變。書中奇訣件件有據。分明兵家  
要策剖先天。佐幃幄奇勲建。呀看來書中都是  
陰符秘笈。役鬼驅神的法兒。好生奇怪。不免照  
書上符法試演一番。看其何如。作燒符捏訣念

况拘神科內擂鼓四天神白虎上衆神間科用  
吾神那廂使用生答科用汝進前不用退後太  
上老君急急如律令衆神下科生奇哉奇哉果  
狀如此應驗真天書當秘之藏之未淨扮張參  
軍小生王森丑扮家童同上

天下樂末門外三星尚在天閒來散步到書軒  
小生牕前吹落梅花片爲甚風飄飛枕邊末賢

姪我與你同到書房看陸兄作何功課小生老  
伯前行小姪隨後合夜深無個事閒步到書牕

行介進房與生相見科末夜深了陸兄在此作  
何功課生晚生在此看此古書末看書介呀原  
來是本法書可有用處麼生如何無用此書能  
拘神遣將呼風喚雨末何以見之生已曾試過  
末小生既如此請試一看何如生燒符仗劍念  
呪拘神科再燒符介衆神至旋下科末小生驚  
異介奇哉奇哉倘異日臨陣破敵驅神遣將可  
替朝廷建此功業豈不妙哉生晚生當敬而藏  
之畱爲異日之用小生陸兄有此奇術日今撞

賊困圍汴梁。老伯可具一疏薦之朝廷。一來救中原之厄。一來求功名之路。却不是好。不知賢兄意下何如。生只恐非才。有負大人之舉。末老夫不日卽草一疏。荐揚人才。以佐國用。便了。

皂羅袍末真個奇才堪羨。看堂堂相貌。信是英賢。望陸兄呵。雲車風馬。着先鞭。丈夫始遂平生願。小生陸兄。陸兄愛殺你。敲詞飛韻。文光燦妍。驚殺人天神龍鬼桓桓。並肩真個是天生俊異英雄選。

好姐姐生念書生學疏器褊論寒士敢當推薦  
深感大人護持偏見憐恩非淺合從此好將功

業建錦衣高車四馬旋

同下科丑上

陳陸相公

在我老爺衙內住了三四箇月不曉得他會弄  
戲法拿神擣鬼到也有此意思我偷了他的兩  
箇符在這裡不免也仗劍念呪試他一試看其  
何如使得使得丑伏劒燒符科淨扮一鬼上怒  
呵科丑昏倒在地科生小生未忙手摩口科有  
氣漸漸甦醒過來了不妨不妨

尾聲今朝纔得神靈鑒須有日建立奇勳名姓傳却  
不道窮達亨通信有天

秘笈籠天地

陰符掣鬼神

一朝時運至

談笑立功勳

雙蝶夢卷之上終

賈政道：「我如今已老了，你又小，我心裏倒也寬。只是我那大太太，他生的那大爺、二爺，都比不得你，我心裏不寬。」

雙蝶夢卷之下

孟津王 鐮子陶父著

山陰朱士曾敬身父

門人何 訥公韓氏叅評

第十八齣 憶子

西地錦

貼且扮生母上

悔教孩兒出去娘親日

日悲悽終朝心下長縈繫這愁煩料有誰知老

身陸氏孩兒沈端自出門之後杳無信音做母  
親的日日倚閑而望好生放懷不下不知何日

得轉家園也。

語大  
情

啄木兒嬌兒去心似癡浪宕天涯何所倚眼巴  
巴望着關河魚雁斷信音難寄教我做娘的呵  
夢中恍惚班爛戲醒來有誰牽衣袂須知道人  
世分離無定期

丑扮隣母上

家貧身又老真是

命窮人老身隣母是也聽得沈夫人獨自悲啼  
不免相勸一番進見科老夫人爲何啼哭貼目  
只因孩兒遠出音信杳然故此悲啼丑相公爲  
功名出去自然衣錦榮歸夫人何故妻楚

真琵琶

三段子

丑桑弧蓬矢志四方男兒事奇載馳載

驅幹功名家園肯羈

他是求取功名非浪遊之

子少不得青雲直上多榮貴錦衣故里重歡喜

白首衰年何須悲涕

貼旦

鄰母在上老身與孩

兒呵

歸朝歌  
欸欸的欸欸的母子共依朝和暮不離  
咫尺今日里今日里雁飛影微我兒呵縱榮歸  
挨不過淒涼此日丑老夫人只願你佳音一紙  
來天際朱門又聽歡聲沸始信教子成名孟母

齊

貼日

鄰母外邊傳聞賊兵攻打汴城不知消息

息如何有事通報一聲

丑曉得

遊子在天涯

孤親感歲華

幾年頻望眼

何日早還家

第十九齣 薦賢

點絳唇

副末扮黃門上月淡風飄金鷄纔叫扶

桑曉晨鐘聲杳一派笙簧繞曙色初開動曉光

重門金殿鎖鴛鴦趨朝惟恐殘星落待漏千官夜未央自家乃明朝小黃門是也今早當朝百

官奏事只得在此伺候說有未了奏事官到來

末扮張維翰上

么末玉漏聲高明星猶皎香烟裊殿擁官僚看

濟濟螭頭達

下官督撫叅軍張維翰是也因汴

梁賊勢猖獗人民塗炭城池危在旦夕只得在

此奏聞

副末

奏事官出笏就班

末跪舞蹈科

萬

歲萬萬歲

副末

有何文表就此披宣

末臣張維

萬

翰啓奏陛下

滴溜子末微臣的微臣的撫軍位叨因狂寇因

狂寇汴城困了。可憐孤城難保。存亡萬命關端。  
非輕小早發宸謨。肅清寇梟。

副末 朕聞闖寇作

亂蹂躪中原殺戮人民殘毀郡邑寡人日夜焦

思恨不能滅此朝食今卿有何奇俊賢才速速

舉保以慰朕望

末

臣乃管窺之見不足以答高

厚但爲國薦賢乃臣子之分內稱不避親外舉

不避怨有英才陸虧義氣沉雄才畧俊偉奇謀

妙算役鬼驅神真三軍之司命也此人統兵前

去必獲大功

駐馬泣才畧雄豪。帷幄前籌廟算高。况靈符秘  
篆役鬼驅神。噓吸風濤鷹揚渭水定周朝。淮陰  
垓下重瞳勦。若錫封褒提師一旅定把烟塵掃。  
副未有此奇才。何不早舉以慰朕望。今准卿所  
奏封陸虎爲平寇都統大元帥。假節銖賜金劒  
虎符先斬後奏任諸路挑選精兵三萬卽日出  
師務期倣捷謝恩未呼萬歲起科。

章奏九重天

欣厭動玉顏

龍飛真虎將

滅寇向梁園

第二十齣 損玉

唱歎韻  
致

又曆

金瓏璁

旦作病容小旦扶上懨懨愁病接那堪

情亂心折

小旦

小姐無別箇敢因此蝴蝶作禍

孽

旦

早則是沒分說何故的惹將者沉沉殘息

病多般悶裏徘徊倚鏡間對面不堪愁裏照可

憐無復舊時顏我董璕蝶無端一病兩月淹纏

乍寒乍熱却是百樣熬煎不飯不茶已到十分

消怯皆因那書生無信蝴蝶有心惹得如此煩

惱連朝病勢有些奇怪惜香我多應是不好了

惜香

小姐說那裏話。不過偶爾失和，自然平安。

老爺與老夫人說要請女醫來看小姐。脉息服藥必然取效。

旦歎介有甚麼好藥醫得我病症。

惜香

小姐且自寬心。奈煩。

步步嬌

老旦上他自幼心情多嬌劣。肌骨纖纖。

怯連日恁傷嗟。

快快神思坐立周折。因甚病。

邪教我娘親百折心如結。

見科我兒你連日病

體如何使爲娘的時時掛懷。

旦母親孩兒薄命

之人死何足惜。

老旦我見說那裏話。如何纔病

元詞

幾日便這樣瘦損旦母親你孩兒呵

母親你孩兒呵

忒忒令且

喘吁吁力沒半些息沉沉氣無一歇

我得病呵只愁漸漸送入膏肓穴却不道待雙親突情絕拋恩愛做曉風殘月

沉醉海棠

老旦

我見你強支持昏昏氣噎莫悲

啼聲聲哽咽

我兒你有甚麼心事何不對你娘親說

說慘苦爲何者向娘親都說病根由望聞

問切休敎泪奢莫敎痛嗟寬心安枕藥石好調

拏旦

母親孩兒亦無甚說了小旦老夫人不必

如此煩惱小姐偶病自然痊可的夫人請自安  
心

五供養小旦莫須痛切俺小姐從來病鬼多邪。

小姐時常有病何況今日平時嬌症候此日受

磨折老旦我孩兒安好做娘親方得寧貼小旦

旦夕災星去病魔掣一家骨肉纔得歡悅老旦

我兒你病症怎麼樣兒再三問你怎麼再不對

○我說

玉胞肚旦怔忡虛怯痛渾身寒如冷鐵說不出

說不出  
沒來由

夢甚

婉曲根原沒來由宿世冤業合堪嗟病症難解  
說皓月中秋雲暗遮

尾老旦花開莫被東風折旦背科却怨殺雙飛  
浪蝶便是我甘向泉臺化夢也

半癡半病半愁中恨死恨生恨未窮  
恰似海棠經夜雨看來不比舊時紅

第二十一齣 出師

菊花新生家鄉未寄雁魚封又見長空飛遠鴻  
蒙召錫元戎方信到聖明恩重小生沈端更名

二字眼

陸虜數月以來蒙大人厚恩破格相待薦揚朝廷聖上不以葑菲棄之錫以統兵元帥之職催促刻下起身張大人又公出未得面別說有不了百洲兄到來了

生查子

小生

行色去匆匆指顧風雲動分袂在

須臾徒有相思夢

相見科

沈兄蒙恩出師朝野

光重何時起身

生

小生候人馬整齊卽發兵也

小生

小弟有水酒一杯特來奉餞以壯行色酌

酒科

生多承過愛了

剔銀燈小生梁園道迢迢路永軍容壯聲聲振  
閨那撞賊阿恨數載攬得黎民痛喜元帥兵強  
將勇英雄鯨鯢震恐看指日須成大功生弟與  
兄此別不知何日相見自慚德薄才疏不能爲  
國家建功立業有負張大人推拔之恩小生吾  
兄文武全才自當努力中原以建奇勳小弟與  
有榮施矣

前誼生承三錫皇朝恩寵捐軀報敢辭頂踵弟  
與百洲兄相聚呵喜連袂日夕相廝共分手處

薄樽頻捧合凌風衷腸話濃看指日功成再逢

未扮探子報上稟老爺兵馬俱已整齊候老爺  
起身生人馬既已齊備就此起馬末傳衆雜吹

打上叩見科小生弟與兄就此分別了別揖介

正是學成文武藝貨與帝王家小生下科生叩

衆將官整齊兵馬趁此吉日良辰就此發兵衆

應介生換戎服盔甲行科

普天樂合統三軍威名重乘駿馬雕鞍韁兵戈  
震鐵騎叮咚旌旗捲萬里長虹驅軍戰攻向梁

園妖氛一掃成空行來已到牧野地方去汴梁止有二百餘里就此下營傳令各官免見衆傳

令科衆下掩門科生弔場介

第二十二齣 挑客夢

生弔場更便服上虎帳淒淒無限情風吹金鼓入愁城別來縱有相思夢一半驚魂夢未成我陸彪統領三軍已底牧野喜聞汴京未破人民無恙故此放懷但今夜旅館蕭條孤燈獨對又增我百種愁煩只是老母在家安否未審小姐

與惜香又不知如何教我怎生放心安寢得下

先提起  
母是正

對燈科

二郎神書燈晃痛娘親孤寒情況膝下晨昏勞  
夢想况兼那人無端折散鴛鴦只剩的一枕幽  
思今夜長愁殺人寒牕月上夜未央沒了當教  
人受着凄涼想小姐那日又遣惜香贈我青梅  
何等多情

簇御林慇懃態可意娘喜青梅酸又黃三三兩  
兩多情狀恁牽着相思帳好難忘今生未結死

甚有斟酌

後也成雙。上思老母溫清缺然。旁念所及。又到小姐身上。不覺神思倦怠。且就此隱几而臥睡。

科旦夢魂上

山坡轉山坡。羊○日○虛飄飄。風清月朗。遠迢迢。山○遙漢廣。情慘慘。祇爲那生急煎煎跋涉親來往。  
奴家嫡蝶與沈生有姻緣之約。相見爲難。害得  
懨懨瘦損。今遮掩夫人惜香偷出閨房與沈生  
一面不期一路趕來。此間已是牧野館驛了。你  
看山連平野。高低樹水接晴空。上下星曠杳之。

元

景荒野之像。好淒慘人也。料他必在館驛安歇。

不免扣門則箇

扣門科開門

開門生夢開門科

五更轉是阿誰正夜闌來相訪

生旦見科呀小

姐你怎麼得到此。好情癡也。風塵遠遠從天降。

戴月披星轉添嬌樣。山坡羊尾合傍徨影蕭蕭。

各一方悲傷哭啼啼淚兩行

目自從花園一別

惹恨牽情再不能見。後遺惜香相問。被家兄撞  
散話也沒說得一句。惜香歸來好生悶人偶感  
一病數月不起。茶稀飯少骨瘦形消止留殘喘。

顧不得山長水遠特來問你去住何所歸期何時。

水紅花

旦新愁偏惹舊愁長恨忽忽無端波浪

更深人靜訪檀郎

杳茫茫歸期說向生小姐今

夜相逢不是容易別後相思一言難盡却不喜

殺我也感小姐多情多意歸信尚荒唐且喜殼

千里共成雙也囉

惜香撞上科小姐小姐

劉溪帽

小旦呀小姐你出門不爲閒遊賞竟來

此竊玉偷香

誰料深閨淑女私奔蕩旦怒介曉

俊語

本末

賤丫頭誰教你管我來聲漫狂休恁地胡廝講。

生忙跪科 小生在此陪情小姐惜香姐息怒。

金蓮子生乍成雙央及你閒話都撇漾。生扯旦

科 小姐小姐願你留半晌好事商量向書幃中

暫話只待月沉腮。淨扮董公子跑上叫科惜香

借香小姐在那裡老夫人尋你快走快走。旦小

旦淨同跑下 生還本位醒科 呀原來是一場大

夢恰好與小姐敘話又被那呆公子撞散了。

尾夢兒裡非虛誑這就是真情實想小姐雖去

妙更深妙

工集

卷之六

雙蝶夢

七

也教我愁變成歡此夜長

迷情雙眼疑生夢人去月空旅邸清。

相思相見知何日此時此夜難爲情

第二十三齣 水變

點絳唇

未扮龍王雜扮水神上蛟窟龍巢奇珍

異寶人間少海濶天高頃刻風波攬

未善哉善

哉吾乃東海

龍王尊神是也奉上帝玉旨水淹

汴京人民應死者八百四十八萬逃生者五萬

四千三百二十八人自戰國時秦滅大梁以水

灌之至今二千五百餘年百六劫運重逢又遭此一番大厄也今正當其時於崇禎十五年九

月十六日子時水淹城池正當沈將軍統兵與撞賊交戰不免助一臂之力淹死賊人三十二

萬有奇賊退水進由睢陳注泗淮東入于海衆

水兵依令而行衆應聽令同行科

默還着末奉玉皇令誥奉玉皇令誥洪水滔滔

百萬生靈盡遭飄渺波浪衝天四遶老幼人民都送入水晶宮鬼魂哀叫城郭毀民居如掃似

狀  
讀之慘

萬丈龍潭深澳合將軍討賊寇遜看破敵成功就中神妙。

下淨扮撞賊同衆上殺氣兇兇白日

昏將軍拔劍出轅門攻城人馬如龍虎汴水東

流盡血痕吾乃撞將是也攻打汴梁七月不下

好生可憐今日陸彪統領軍馬交鋒只得備敵

說有未了兵馬到來

水底魚衆賊快馬跑蹲長弓與大刀汴梁立破殺盡沒分毫

下科

前腔生衆上科將士英豪旌旗映碧霄此須賊

寇殺盡沒分毫

生領兵交戰科

忽念咒神兵大

殺科數合退兵登城科

撞攻城科

生傳令三軍

發矢射科

撞賊倒科

探子報科

稟老爺射瞎撞

賊一目生

賊既中箭傳令

兵馬嚴守內喊科

河水上來了

黃河水

上來了賊與三軍滾地科

龍王水族同上

譚下科

## 第二十四齣 背井

此齣關  
目甚妙

大勝樂

外上

年老悠悠半百矣終日裡愁心如

醉家中諸事牽懷多因妻子之累

老夫董策年

過半百家下有老妻幼女甚是關心撞賊攻打  
汴梁危在旦夕如何是好內喊介雜扮院公跑  
上老爺快走快走不好了外忙問科怎麼說院  
公應科汴梁城裏城外俱被黃河淹了水由城  
中東下頃刻就到怎麼處外請夫人小姐快快  
出來收拾起身院公喚科夫人小姐快快出來  
老旦旦小旦急忙上問科爹爹怎麼說老旦問  
科相公怎麼說未如今黃河已淹汴梁城裏城  
外都已淹沒人民紛紛逃竄好生利害夫人孩

兒快快起身家事也都顧不得了快行快行忙  
行科內喊叫科

香柳娘合聽聲聲鬧喧聽聲聲鬧喧置身無地。  
家家戶戶都逃避這天災怎支這天災怎支患  
難在須臾無端受顛沛痛家鄉頓失痛家鄉頓  
失哭哭啼啼雙垂珠淚下

前盤

貼旦扮生母丑扮鄰母扶上

急忙忙去者

急忙忙去者水聲如沸人人亂走多驚悸鄰母  
我兒子又不在家怎生是好往前途未知往前

途未知風亂雨凄淒。顛危痛遭際。况孩兒遠出。  
況孩兒遠出我老娘河抱病衰年。懨懨氣力下。  
前腔淨扮公子一步一跌趨上恨爹娘去疾恨。  
爹娘去疾我來狠狠影兒不見從何去這愁腸。  
可傷這愁腸可傷叫喚少人知前途向誰覓我。  
肚內好餓呀一日不曾喫飯况腹中飢餓况腹。  
中飢餓脚步高低日光又夕我爹娘去了。趕了。  
半日肚內甚飢又趕不上不如且回花園中與。  
胡子實李損子暫住再作道理正是人趨人趨。

死人肚內餓沒處尋罷回去了

下科

前腔小旦同阿母上歎兄南妹北歎兄南妹北

怎生存濟音書半紙沒人寄况風波霎時况風  
波霎時教我女孩兒怎禁這狼狽

小旦悲分貼

旦扮生母同鄰母上悶煎煎淚滴悶煎煎淚滴

紅日已西何方暫息

丑見小旦科

小姐你是何

家宅眷奔走到此哭哭涕涕却是怎的

小旦奴

家乃睢陽王尚書之女家兄王森遠出未歸奴  
家同阿母逃難在此不覺悲啼鄰母細看科呀

原來是王小姐了夫人這就是睢陽王家小姐  
是夫人定下的媳婦兒貼旦隣母你不可認差  
了隣母應科說那裏話當日我去說媒如何不

認得隣母叫科小姐你可認得我麼

小日驚介

呀你不是媒婆麼

隣母正是正是小姐這就是

你的婆娑貼旦丑

小旦同抱哭科 小旦既是我

婆婆就此拜叩

拜科貼既是我媳婦兒同行便

了合悶煎前淚滴

病悶煎煎淚滴紅日已西何方

暫息

詩詞  
大義

屋漏更遭連夜雨，船遲又被打頭風。  
兩葉浮萍歸大海，人生何處不相逢。

第二十五齣 訪誤

夜行船

生便服上逐鹿中原多寇警，高堂母日

夜關情咫尺家庭平安未定，展轉教人思省。爲

國忘家身不由，統兵滅寇向梁丘。故園有夢人

千里今日歸來已暮秋，小生昨在驛館中得與

小姐相會，說許多情癡之語。醒來却是一夢，好

生悶人。但別離三載，今日已抵家鄉。昨遣人去

武曲

接老母打聽小姐動靜尚無消息使我放懷不下獨步行來親去探訪則箇你看時已深秋好

感傷人也

行介

元曲

黑蟾序亂葉飄零看風吹殘菊點點秋英那孤鴻叫出怨詞哀令聲聲平原秋水凝蒼茫樹色冥遠烟汀看那家園平野衰草丘陵來此已是家門了

看科

如何門戶蕭條寂狀無人忙叫

科

母親母親何處去了却不知殺我也

悲介

前腔換頭

空庭寂寞無聲祇見蠭蝶在戶人煙

描圖景  
況宛狀

悄○靜○母○親○多○是○避○難○遠○出○又○不○見○人○兒○問○箇○信  
息○如○何○是○好○問○娘○親○何○處○徒○有○碧○苔○荒○徑○惺○惺  
白○頭○身○未○寧○青○衫○泪○暗○零○遠○烟○汀○看○那○家○園○平  
野○衰○草○丘○陵○母○親○隣○母○想○必○同○行○差○人○各○處○訪  
問○便○了○不○免○到○董○家○花○園○再○訪○問○小○姐○消○息○行  
科○丁○令○鶴○歸○華○表○日○城○郭○依○然○人○物○非○虛○下○丑  
扮○園○公○上○可○嗟○世○亂○人○心○變○朋○友○親○戚○都○是○騙  
平○日○恩○情○俱○不○論○心○腸○恰○似○賤○強○漢○小○人○董○老  
爺○園○公○便○是○我○老○爺○有○錢○有○勢○時○候○親○戚○鄰○里

都來奴顏婢膝。甜嘴甜舌。說些好話。我老爺是  
箇善人都。都相待如同自家一般。無錢的借與錢。  
使無衣的借與衣。穿無飯喫的與他糧米。也有  
作惡爲非。問成罪案。救他性命的仁慈惻隱。周

濟普救。無所不至。一鄉之中。皆受其恩。一旦忽

聞流賊有汴梁水淹之事。我家老爺逃難遠出。  
平日受恩之人。一旦都把臉來變了。笑介。你說

如何變了臉。說他沒了勢了。用他不着。也有騙  
錢鈔的。也有騙田地的。也有騙房屋的。也有騙

園林的把昔日恩情一筆勾了。如同強賊一般。  
○不顧一些親朋鄉里情意。倒是真正強賊殺得。  
○人救得人。還有些義氣。不似這等負心世上的。  
○賊也有數等。有一種營頭賊。有一種土霸賊。有  
○一種鄉黨賊。有一種宗族賊。有一種親戚賊。就  
是管家小廝。中有騙主人的。有殺主人的。有告  
主人的。有暗害主人的。又叫做一種管家賊。總  
之世亂賊多君子少。鬼神暗裏不容情。我老爺  
往江南去了。園中着我守。大相公追趕不上。

也撤在家中昨日又同兩箇帮客都搬來園中  
住了。怒介那箇胡子實妻子最不曉理當他不  
起我也無可奈何正是主公在日千般好。一旦  
無人被大欺下生上來此已是董先生園中了。  
看介呀如何這等凋殘淒涼不堪也正是故園  
楊柳今搖落何得愁中却盡生。

惜奴嬌生徒步園亭看荒涼臺榭斷垣堆徑呀  
如何與昔日大不相同了琴書牕案傾欹臺榭  
凋零。呌科有人在此么呀頻頻沒箇人兒來相

應內看介望東牆如峻嶺愁悶生怎得巫山仙女再會前盟亭子裏邊似有人在內如何叫之不應不免竟進則箇丑扮胡子實妻坐馬筩生撞進打生譴罵介雜扮胡子實李損子淨扮公子撞上扯勸科淨不要打不要打是沈相公

丑罵科

贍賊精黃癆病沒眼睛胡行徑誰家大膽畜生不知老娘性老娘正坐馬筩竟自撞進來看見了甚麼道理譴罵下科生小生委實不知誤撞尊正呵自慚非禮誤相迎難當

令正竟出惡聲

衆合

婦女悞相爭罵相入實是

堪憎

淨

沈兄相別三年整行踪無定今日再會

三生之幸

生

小生今日無端受這場惡氣可笑

可笑衆婦人無知相公不必介意

生令尊先生

安否

淨

安否安否棄家一走昨日水淹汴城家

父家母同舍妹都走而去之乎也小弟來遲趁

不上了同二位暫住于此

生問科

衆兄可曉得

家母消息

衆

令堂老夫人聞得同隣人下江南

去了生

可真

麼衆的真的真不是蘇州說話生

信果真確。小弟好去尋訪。浮妙哉妙哉。小弟正要去尋家父哩。同行則箇生背科。與他同行。倒好打聽小姐下落了。對淨科。旣如此同行甚好。

漿兒水生願同兄尋親共行。路途中到處問聲。

淨怕無資斧。共支撑。一路苦辛歲月無定。休辭倦莫暫停。水遠山遙須馳騁。令尋親去尋親去。長亭短亭前途事。前途事全仗神明。

尾萍踪又共離鄉井。急早相逢慰子情。幾處思

親夢未成。

下

## 第二十六齣 解組

末扮堂候官上終日浮名誤此身算來同是夢  
迷津逢人盡說休官少林下今朝有一人吾乃  
堂候官是也我家陸老爺不知何故往外邊遊  
了一日歸來便要掛冠而去我想世上人做了  
官兒就如喫蜜一般越喫越有味那裏肯放手  
我家老爺偏不要做官不知却是爲何今日出  
堂看他怎樣說有未了老爺到來

顆顆珠

生官帶上撞寇已潛身親恩當報遊子

敢忘情。昨訪母親得有的信歸來夜不成寐。小姐又未知去向。喜得董公子尚在與他同往。可以探聽消息。但不知消息何如。今日賊寇已退。

足以上報君恩矣。思親念切。功名何足道。從此

掛冠而去。豈不是好。生解脫官帶介末扯衣哭

科老爺老爺不要如此。這件物兒是世上難得的東西。好不中用哩。一旦棄之而去。豈不可惜。

老爺老爺

沉醉海棠未爲何來把冠裳厭憎。這名器國家

榮贈不是容易來的東西。得之者甚非輕人。人歡慶小人也曾伏侍過許多老爺。每逢朔望日期。將紗帽圓領放在中堂卓兒上燒此香紙。還要着實晚拜哩。戀功名百般尊敬老爺老爺。誰似你把功名看的這樣。月上海棠如冰冷。望納薦。且承恩命。生堂候官你不曉得君恩當報。子情亦不可缺。

**園林好**生做高官揚親顯名。親不在圖誰榮慶。若得把娘親溫清。拋組綬願歸耕甘藜藿當調。

羹

生脫官帶科末老爺不可把功名如此看得

輕了、生你曉得甚麼快請董公子出來、未請科

董相公有請淨忽聞堂上請想必要同行沈兄

請小弟何幹生請你同行起身淨如此便行門

門科三軍進見科末傳三軍科老爺要掛冠而

去三軍跪稟科老爺不可如此生我志已决不

必多言三軍稟科稟老爺用多少人馬生三軍

俱不必遠送止用好馬二匹就此起身繹馬科

上馬行科三軍下生淨行科

妙

江兒水合此日休官去明朝天外行從今盡覽  
江南勝願祝高堂增歡慶莫教斷鴈成孤另從  
來此征車馳騁甚日揚州好問瓊花究竟下

第二十七齣 遷淵

點絳唇未扮張維翰秉政權尊上承皇命恩光  
重過蒙天寵爲國扶梁棟下官張維翰蒙朝廷  
不次之恩執掌軍國大事前日舉陸彪統兵滅  
滅寇已抵汴梁昨有塘報到來說逆賊大敗遠  
逃陸將軍奏凱而還深爲可喜見下官舉薦得

人只有一件。陸將軍因老母逃難遠方解綬而  
去爲子盡孝却也高品只是功名上忒看得淡。  
了外日等扮朝使奉聖旨上科聖旨到跪聽宣  
讀末跪科奉天承運皇帝詔曰臣張維翰朝家  
梁棟屏翰是賴爲國求賢舉薦得人平賊有功  
今兩浙督撫重地缺少撫臣特陞張維翰爲都  
察院僉都御史撫巡兩浙地方刻期起身異日  
建立勳業論功行賞處士王森學博古才抱  
江屈可爲參謀同心偕往陸虜奇謀遠畧平寇

掛冠尋親另行封賞謝恩末叩首介萬歲萬萬

歲起科外旦衆忠府報聖主恩自九天來下科

末下官蒞晉三載不期又轉兩浙督撫刻下起

身王百洲以參謀同往更爲可喜請王相公上

堂雜請科王相公有請小生上科久負屠龍志

深藏繡虎才見科末下官蒙聖恩陞遷兩浙督

撫王兄亦給參謀刻下起程特請同往小生願

附驥尾行科

望吾鄉合攬轡澄清蕭蕭班馬鳴我思量今日

兩徜徉越水吳山景覷他黃葉清秋晚桃柳三  
春興江南景宜共領休負了西湖勝來此已毘  
陵去姑蘇不遠

前詮合道過毘陵姑蘇錦繡稱凌湖鄧蔚梅花  
盛虎丘爭看中秋月古蹟靈巖徑石湖內烟雨  
影再須上天平頂行來已是平江不消三日竟  
至武林正好訪陸將軍信息也

爲國忘家千里遊君恩難報如山丘  
片帆迷望悠悠遠他日歸來鬢有秋

第二十八齣 秋夢

燕歸梁

旦

半病淒淒瘦小腰。今日裏悶無聊弱。

身憔悴耐連朝。

那受得這煎熬。圓欄斜倚悶無

言似醉如癡死不難。

庭苑紛紛黃葉下令人誤、

恨今秋寒奴家一病初起。

懨懨弱息同父母逃

難南來可歎書生薄倖

命多蹇姻緣之事今

生想不能就矣却不幸負了那蝴蝶兒一片好

心沈生一去太原將近三載音信杳然就是汴

梁平寇陸虜軍亦是從太原來的如何也不聞

打上妙

轉

有一、此、音、信、傳、來、此、時、想、又、不、在、太、原、了、正、是

妾夢不離江上水人言郎在鳳凰山

普天樂

旦

不盡  
有致

想前緣多顛倒料今生難同調鴛鴦  
譜錯配鷦鷯蝴蝶願誤結鳴蜩奴命薄却被孤  
鸞照我待問冰人和月老怎着人水渡山迢怎  
着人離多會少怎着人終日夢亂魂勞你看時

已深秋了西風乍起蕭蕭梧葉滿庭小雨初來

浙浙蕉窗細響何物不助人愁緒乎

雁過聲

旦

愁殺涼風夜悄愁殺那黃葉亂飄愁

殺暮沚寒林鳥更愁殺雁嘹嘹愁殺那窗外滴雨芭蕉愁殺月乍小那堪種種將人攬又使奴腰肢消瘦了

欠身介

精神一時悶倦起來不免

隱几少睡片時

睡科

生夢魂上

出門桃杏雨霏

微今日歸來黃葉飛有路天台須要到武陵空望幾雲磯小生匆匆行來正不知小姐在何處傾盃序換頭生迢遙傾刻間過小橋恰來到巫

山廟

見科呀小姐小姐兀自未睡獨坐在此且

起羞避科沈郎你從何處遠來忽然至此生小

屢

婉

生自花園一面相別三載。今日歸家特地來看。  
小姐我呵爲此根苗。想着桃夭夢魂顛倒。總見  
多嬌。且花園之約已許今生與君。前生有緣。雙  
蝶爲媒願效于飛。切不可負却前盟。使妾有白  
首之歎。生小生若負小姐之情。天誅地滅人非。  
木草肯將恩愛流水萍飄幾番兒傍徨追想淚  
空拋。旦沈郎旣不忘情如何竟無半點消息未  
知郎君意下果是何如。

玉芙蓉旦前生怎命遭今世添煩惱。一去無音。

元句

呵枉教人恨着水月空撈生 小生此來連功名

都拋棄了望小姐見憐則個近扯旦科旦羞避

科生小姐我與你緊偎翠被香生笑煞強似獨

倚紗牕燈再挑懷中抱不在我長亭遠迢那關

山千里跋涉路途遙旦君不忘情合巹有期得

話一宵足慰三生何得草草

元

妙妙

山桃紅旦怯怯地心兒攬默默地言難告巴巴  
兩眼空凝眺忽忽又怕分離了鱗鴻有信須頻  
寄免教人急得無興無聊老旦急衝上叫生急

閃下科我兒在那裏黃河水來了還不快走快走淨拚公子跑上科母親流賦又來了雜拚賊等趁下旦作醒科哎呀嚇殺我也原來是南柯一夢沈郎何處去了怎生這等淒涼若少醒一會兒到也微倖正是月向花間照人從夢裏來尾愁深後秋夢交但願今生會蚤莫似梧桐落葉飄

秋色蕭條魂夢痴悠悠長夜費相思愁中心事憑誰語惟有幽窗燕子知

賣蝶一

第二十九齣 賣蝶

太平令外扮莊周捧蝶上浪走天涯一派烟嵐  
帶遠沙雲光水月神瀟灑乘彩鳳跨朱霞世事  
悠悠似水滔滔東去不歸眼前若有定見勞勞  
終日何爲貧道莊周便是爲沈生那段姻緣未  
就今日又來賣蝶令他們成其好事多少是好  
說猶未了沈生到來

翫仙燈

生

來訪嬌娃信音杳使人驚詫

見科外

賣蝶賣蝶

生呀真是奇怪如

如何人叫賣蝶世上

蝶兒可是賣得的。待我問他，先生講了。揖科。敢  
問先生。蝶兒賣他有何用處？外先生此蝶原非  
易得之物。好處難以盡說。聽我道來。秀其外類  
文也。嘿！其中類德也。不明而遊。類潔也。無暗而  
食。類廉也。

錦纏道外論蝶。蝶奇異處言之可嘉。生好處怎  
麼樣外？當日隋家長安禁苑。冬雪忽然大樹開  
○花。花落結實。光照如火。不數日盡化紅蝶飛去。  
○應唐高祖入國之兆。長安兆非假。後來穆宗時

卷

接處天成

千葉牡丹盛開。有黃白蛱蝶數萬飛集其間。牡丹花千葉尚有金飛玉化。生小生已曾書中見此一事。外廬山女歡來戲耍。海南帆被舟人打。百合暫時華綠裙半幅葛仙衣。上霞越女奩中大。這鳳子定兀是無價。生住住住了先生你纔說。廬山女同來戲耍。這蝶兒却怎麼引得女子來戲耍。外先生我這蝶兒有許多妙處。自然有女子來的生。有這些好處。却也怪哉。蝶兒可賣麼。外怎麼不賣要賣的生。既是要賣可要多少。

價銀外

我這蝶兒是無價之寶先生如果真實

愛他貧道願送與先生便了

愛他貧道願送與先生便了

生

小生無以爲報

何敢當此外道義爲重如何言報

送蝶科生接

科外閒看三山島遨遊五岳中

下生這箇蝶兒

不想他到送與小生看來何處用的着

看科

普天樂生覲春駒皆物化入繡戶穿簾下掠人

處帶雨揃花翅翻翻粉碧金紗

昆蟲草木皆有

情性雖是化生之物到也可愛

弄蝶飛科呀如

何飛去了上看科輕擊款拿怎飄然弄烟飛入

探揣入  
理入情

飛了妙

叫便奇

人家○咳呀蝶兒飛在人家院內去了○如何是好○  
呆看○叫科蝶兒蝶兒副末雜扮老院公上打生

頭科什麼蝶兒蓋兒只顧往宅內探頭探腦得

看甚麼生

小生一箇蝴蝶兒飛過牆裏去了副

末笑介胡講胡講蝶兒可是你家看養得不成

快走快走我老爺性子不好走得遲些就要惹

沒趣生

你家爺這樣性氣姓甚麼副末我家老

爺姓董汴梁有名頭得人家生忙問科你老爺

入關目妙

可是董揚休么副末正是正是

古輪臺

副末無差

俺老爺呵巍巍世胄名家生

幾時到此副末因避水特赴錢塘一枝暫假生

你家小姐可曾嫁人否

副末

深院奇葩尚自緣

慳姻姪

生院公我也是汴梁人與你老爺最相

厚要見你老爺可替我通報一聲

副末

住了我

日又入關

老爺沒得工夫見相公太原有一位張維翰老

爺新陞本處督撫今日我老爺請酒好不忙哩

改日來相見罷地僻門常靜江南故友來

下介

生作喜介奇哉奇哉今日到此蝶兒便飛去了

又轉

可喜聞得兩箇信息一來小姐有了着落二來  
張大人又陞官此處正好求他作伐這事料可  
成也笑介言笑嗚嗚歎情嗒嗒獨喜嬌娘未曾  
嫁求張大人作媒呵玄纏結納願廣寒仙子乘  
霞歎介如何得有此事小生敢又作痴想也笑  
訂三生絲牽萬丈鸞期雙跨好事費波查老天  
老天怎得身同化一雙蝶翅遶天涯

尾聲今朝喜信應非假且向雙星占卦願百歲  
夫妻諧六珈

姻緣天造非人謀

賣蝶誰言世所無

事似玄奇皆定數

算來原不是模糊

第三十齣 話衷

卜算子

小生上雜隨上

自到武林溪。妹子無消息。

折散同胞兩處飛。何日能完聚。

小生王百洲

自與妹子分別。又到杭州各處尋訪杳無消息。

骨肉何時完聚。好生傷感人也。

丑 王爺不必煩

舊老爺已各處差人察訪。想不日就有信息了。

前腔 生志氣欲凌虛。事業憑才器。願從知已話。

情癡試把衷腸寄。行來已到張大人公寓。先與

百洲兄商議可否。再作道理。丑通報生。小生相

見科生。自從太原相別。倏爾半載。何期今日相

會。喜不自勝。小生。陸兄功成身退。天之道也。得

全者。昌陸兄可稱善矣。生。豈敢當此。小弟今日

拜謁。有事相求。小生。有何見教。願聞。願聞。

紅衲襖。生。昔日呵。向豪門去問奇。小生。是那位

老先生。生。就是敝處董老先生家偶遇着俊嬌

娘相留意。小生。是他甚麼人。生。董衙小姐多佳

麗寄情思暗許效唱隨

小生

曾以姻緣相許後

來如何生不能穀早遂鸞鳳杜宇啼

小生請問

兄如今待怎麼生咏桃夭怎撞入無媒地

小生

媒人是那位生月下冰人敢煩張老先生也比

翼鶯鶯接翅飛

生聞張老先生與董老先生果

係厚交求爲媒妁煩百洲兄幫襯些兒更有一

事相聞不知可否小生甚麼事

生董老先生家

有一侍女惜香姐國色天姿丰韻翩翩百洲兄

正在缺偶可央張大人說親一舉兩得妙甚但



晚生與百洲兄有姻緣之事、奉求先生作伐、幸  
恕造次、末係何等人家說來請教、小生陸兄所  
求之親呵、

前腔 小生與先生契素知。

未 原來是老夫舊交

的住在那裏。

小生汴梁城高門第、就是楊休董

老先生家。

未 這董先生是老夫故人了。

小生画

堂淑女顏如璧。

陸兄呵、願坦腹東床之子歸。

老夫願爲效勞。

生董老先生家下、還有侍兒惜

香百洲兄亦願效關雎之咏。

未 這兩件事都在

老夫身上公治南容皆可妻撮合山老人人真長技管取窈窕成雙兩對鴛鴦也楚峽巫雲交翅飛生小生倘事有可就晚生輩感德無盡末董先生今日請老夫會酒席間就央親事料無不允俟容日報命

眼望貴旌旄耳聽好消息

第三十一齣 結婚

遶地遊

外梁園水害移作杭州客歎西湖景凋物改淨扮公子上班衣戲彩相逢愁解喜爹娘

伏得好

雙雙快哉。外我見你一向湖海飄流，泛泛無歸。  
今日完聚，喜之非常。只是你妹子璣蝶年已及笄，  
尚無佳配。我與你母親殊爲掛懷。淨孩兒虧殺沈兄，一路帶來多承過愛。看他才華出衆，文武兼全，又謙讓過人。室家未宜爹爹何不邀西席之賓，以作東床之客也？外老夫已有此心，尚未與你母親商議。看來到也，相當院公何在？雜稟科酒席完備了。外張老爺來時通報，雜應科曉得。

接雲鶴末上二生親事費安排央爲月老望門來今日董先生請酒正好與二生求親雜通報相見行禮介行酒禮坐介

黃鸝兒合堂遂四筵開画屏前錦繡排喜招朱履三千客珍羞滿臺瓊瑤滿杯高歌鬯飲吞江海且開懷僂僂屢舞明月上樓臺末小弟不能用酒就此告別外再借光聊敬數杯末小弟適有一事奉求敢求先生俞允外願聞台命未弟有故人沈生諱端因改名卽大梁平寇將軍陸

元人

虎也。王生諱森，乃睢陽公子。聞知老先生尊府有二位令愛，願贅東床，求學生作伐。逡巡不敢開口。二君天下英雄，惟先生留意焉。

前韻。末英偉近三台，論文章絕世才。兩家鴦耦真堪愛。外恐愚拙之女，不足以配君子。未年偕貌偕門，齊戶齊想。阿翁自有真評，在免疑猜。婚姻大事，須是聽尊裁。

前韻。外親事要相諧，算前緣命所該。此生昔日已曾在寒舍讀書，那生曾拜西席客。末如此一

發是故人了。外他才高志邁，雄威可懷。就是王兄雖未識荆，料先生作伐一定不差。末其人才學品望亦稱佳士。外相逢青眼須稱快。合巧安排姻緣兩對親。許雀屏開。末親事既蒙允從，多謝多謝。小弟就此告別了。行別禮。介姻緣本是天成，就好向蟠桃會裏來。下介外院公快請夫人小姐公子上堂。請介老旦淨旦小旦上合堂上。頻呼請定然好事多見介老旦相公有甚事如何這樣急緊。外今日有一場喜事特請夫人。

小姐出來商議老旦喜從何來外今日張先生

席間與女孩兒說媒求親你道是那一家老旦  
是那家外就是昔年在書館中與孩兒讀書的  
那沈秀才

且小旦私語笑下介

老旦驚問介那

秀才他家下貧窮如何使得外夫人你不曉得

豈是昔日那樣光景老旦近日如何外他原名

沈端因往太原求取功名改名陸彪平寇有功

朝廷封爲都統大將軍之職今掛冠尋親可謂  
忠孝兩全之士也昨日同孩兒來得就是他如

又打上妙

今見住杭州淨爹爹妙哉妙哉這親事十分好。  
孩兒來時一路盤費都是他的多虧相携好人  
好人老旦如此却也好門親事外夫人更有一  
段奇事老旦問介甚麼奇事外笑科又有王森  
睢陽公子亦央張先生求親說我與夫人有兩  
箇小女我想來那裏有兩箇女兒那時遂口應  
允去了看來就是惜香罷老旦惜香爲人聰俊  
伶俐我平日相待如親生女兒一般倒也使得  
外親事已定說來日就要納聘合巹了

應第一

齒二字

融

前腔合合卷會金釵這良緣豈易諧女郎才貌  
真無賽前生分該今日湊來但思歸妹時將逮  
老日惜香雖是侍兒與親生一般看待呵俊喬  
才移桃接杏總是倚雲裁

風流才貌暗相合天配姻緣非強從  
吹玉秦樓雙跨鳳果然佳婿今乘龍

第三十二齣 見母

淨上

關目有  
別思妙

妙

沈兄門前了叫介有人麼生開門見介

董兄如到

工藝會

卷之二下

雙蝶夢

七

何來得慌慌忙忙淨老沈老沈好興頭也恭喜  
恭喜快快作揖我與你話生忙問介喜從何來  
淨揖了我話生揖科淨你如今與往常不同是  
我家姐夫了張大人昨日席間說媒我父親已  
允了豈不是一場大喜生喜笑科只是不敢高  
攀淨還有喜你再揖我與你話生又忙問科更  
有何喜快快說生又揖科淨我昨日西湖閒遊  
偶然遇着令堂尊人在湖中汲水生忙問科怎  
麼遇着了淨我見他老人家梳粧不像杭州人

簡得妙

我便問起來。生問來怎麼淨說來說去一發是  
令堂尊人恐差來人不的當。我特地來報與兄  
知道。豈不是兩場天來大喜事快活快活。生的  
的實實不可誑我淨豈有此理見住在西湖十  
錦塘過柳堤第三家便是門前有兩株大柳樹。  
如見

又打上

生跪科謝天謝地喜得老母有信了如此多謝  
兄淨前日虧殺你携我下來今日我報了你喜  
信好不好生淨同譯下

山坡羊 小旦看秋波層層如画。望秋山青青如

細看此處閑口皆出天成曲極妙極妙

掛怪秋月娟娟照人惱秋風故故尋牕罅奴家同婆婆到此不覺秋深哥哥遠出又無音信好生傷感人也望眼巴何時返故家生忙上科此

間已是了

手指門數科

一家兩家第三家便是

打轉

了竟進撞見貼旦立科呀猛然瞥見多嬌那如何立着箇少年女子却不是我母親了細細端詳怎非我媽貼旦呀如何來了一箇秀才與我哥哥年紀相等却又不是我哥哥差差是何人莫問他生呀呀是誰家一俊娃待要問他又如

打跌

董家園中惹出晦氣來 只得暫等片時 貼日背

介這箇秀才好沒來歷 叫科母親快來

金絡索 貼旦上 金梧桐 忽聽語亂譁急急來相

迓 貼旦 母親是那裏來一箇秀才撞入我家院

中 貼旦 待我看來 貼旦 生相見悲科生跪科貼

日 我兒不記臨行苦苦叮嚀話 我兒自從你去

後阿條忽柳條金東甌令盡飛花 老娘眼巴巴

望你不到又見金井梧桐棲遠鴉 生孩兒知罪

了 貼旦 我兒忽然又到九月間阿黃河漲水滔

真元

滔勢

生母親那時怎麼了

貼旦那時呵

針線箱

瑣尾流離亂似麻

解三醒擔驚怕懶

圓眉飄飄

忽忽度江沙寄生子

自到杭州

一時時怨苦嗟

呀愁鎖在眉尖下

生孩兒呵

御袍黃簇御林蒙推轂作建牙

統三軍張四伐

姿  
轉轉生

貼旦

我孩兒果然爲了官了可喜可喜生因尋

老母將冠掛這不孝如天大

貼旦如何又把官

來辭了

皂羅袍

生孩兒腸斷娘親眼巴他鄉歡

聚無家有家相逢骨肉真無價

黃鸝兒

合喜堪

關目入

處皆如

天衣無

縫全無

誇慈鳥反哺母子在天涯

生母親適纔孩兒進

門來時見了一箇女子是甚麼樣人也同在這

里貼旦我兒正要向你說知你臨行之時我已

曾對你說過了睢陽王年伯家有一位小姐要

藤真化  
一絲葛  
工也

與你說親昨央媒人去說已蒙許諾尚未納聘

忽被水淹大家逃難中途遇着王小姐相依爲命甚是孝順我全虧了他生與母親同住麼

真切

旦正是正是我兒你今日歸來正好合巹生跪科孩兒有一事也正要稟知母親貼旦我兒有

妥當

過處妙手

何事生杞縣董老先生與太原張老先生相交最厚孩兒在張先生處蒙他薦揚得官董先生有一位小姐又蒙張先生作伐定兒爲妻已承俞允如何作處貼旦我兒旣已許定難以毀親况王小姐是老母定下的董小姐是你自己定下的這樣大門大戶人家正好結親莫負了張老先生錯愛看箇吉日良辰同時合巹便是了生謹從母親之命但他家中還有甚麼人貼旦他家下有一位哥哥名字叫做王森字百洲亦

遠遊在外尚未有信音哩。生驚介呀。王百洲是  
兒子厚友見在此處處察訪正好報與他知道。  
貼日如此却好。生喚院公科雜扮院公應上。你  
快報與王爺知道說王小姐在此。雜應下請科  
小生上小生聞傳親妹信急步向前來見生貼  
旦揖介生王兄令妹在此。小生有此奇事。貼日  
喚科隣母快請王小姐出來。內應科小旦上科  
蓮步出蘭房恭身拜萱堂。貼日小姐你哥哥在  
此小生小旦相見悲跪拜科昔時分袂家園內  
收了高手千頭萬緒一筆

今日相逢似夢中。小生妹妹如何到此。小日自  
哥哥去後遭難逃生不期中途得遇婆婆相看。  
如親生一般得有今日。小生語生科舍妹得蒙  
伯母看養恩莫大焉。一鄉不知賢兄就是我家  
姐夫可喜可喜。小旦下生。小弟遠出老母在家  
結親。小弟委實不知。小生因姐夫改了名姓。彼  
此難以識認。貼旦今日歡會。大家都是親人了。  
生背語。小生科只是昨日多了董家那件事體。  
有得罪了。小生此事何妨。况舍妹素性溫良。彼

此皆以姊妹相稱便了。

猫兒墜合好姻成就。一樹共奇葩。翻覺從前都是差月圓。鏡合樹重花。出隊子却不道前生葛者瓜。合巹合歡。鞞鼓頻撾。

尾相逢此際無多話。惟有嗚嗚笑。要真個是兄妹。夫妻總一家。

母子分離在亂中。武林兄妹始相逢。幾回却把銀缸照。猶恐相逢是夢中。

第三十三齣 完配

丑扮院子上紫府金堦細雨生玄霜玉杵見雲英藍橋今夜風光好喜事雙雙天意成自家乃董衙院子是也今日本府小姐同惜香姐與沈爺王爺成親更有一位王小姐乃睢州王尚書之女今日亦同婚配命我準備筵席整齊你看屏開孔雀錦繡鸞鳳帳隱芙蓉裯堆桃杏羞品陳水陸爵觥捧金犀貂裘滿座端的相府威儀冠蓋克庭信是侯門氣宇盈耳笙歌慶嘉賓之爰止叮咚環珮喜仙子之飛臨席已備完吉時

將及、喚掌禮人伺候、淨扮掌禮花紅上潭府招  
新客賓相到華堂見科院子今日沈爺王爺成  
親唱禮則箇淨應科請科

顆顆珠生眉際喜揚輝華堂花燭今始得子歸

站科淨吉時已到請新夫人速移蓮步

接雲鶴日梳粧乍起尚葳蕤嬌柔兀自含羞愧

旦站科淨照常請科再請新夫人出閣並立花

艷

前腔貼且嬌怯無顏歛翠眉輕移小步出鴛幃。

點明

站立科內鼓樂淨唱科姻緣原是五百年雙蝶爲媒豈偶然。嬌婿玉堂金馬貴仙娥鸞珮鳳頭。

冠淨唱典交拜科淨唱新人送入洞房侍女提

燈燭行科

普天雁紅普天樂令唱郎才健女貌妍聯姻眷

詣東坦仙姬擁仙姬擁少俊潘安這姻親果是

雙南下科淨又請科

霜天曉角小生姻緣奏巧幸得紅梅蚤

站立科

淨請科新夫人出閨合巹

金蕉葉。小旦喜見鵲橋高架。看銀河雙雙度楂。

站立科。內鼓樂淨唱科。一對鴛鴦始不疑。雙雙

戲水向清池。同林不散文禽鳥。恰似如兄如弟。

時淨唱交拜科。送新人入洞房。侍女持燈火送

行科

普天雁紅合。燭光燦錦華。鮮翠裯細雀屏展笙

歌。咏笙歌咏夫婦。交歡好良宵。月下燈前。下介

霜天曉角外。末洞上家門吉氣福履重重至老

旦同貼日。最喜男婚女髻。天成就好夫妻。生小

生換頭展然心似飛藍橋今夜喜旦小旦貼旦

含羞深閨弱質今日裏效于飛

淨唱禮拜堂科

末今日呵天涯故知一樂也母子重逢二樂也兄妹完聚三樂也洞房花燭四樂也離亂全生五樂也末如此重重樂事真是天緣奇遇佳偶

疊逢酌酒共慶則箇

酌酒科生小生酌外末科

旦小旦酌老旦貼旦科生酌生旦酌旦科外末

一席老旦貼旦一席生小生一席旦小旦一席

各座科

默環着合喜今生有慶。喜今生有慶時暫清平。  
鼓瑟吹笙好合歡詠華筵。香醪列鼎頻倒金樽。  
爭看婿乘龍女德堪並齊唱。喜歡呼亢庭見翠  
繡瓊樓高下皆佳景色笑生。羨眷錫福祿滿門  
光映。

合笙聽鼓樂喧聲正。銀臺画燭輝彩迎喜新婚。  
燕爾如賓敬夢裏雙蝶。逆果中雀屏珠簾繡幙。  
香氣生宴列大烹。龍笙鳳簫聲韵盈滿堂吉慶。  
夫妻子母他鄉皆前定。兄妹喜得重逢笑聲歡。

膺○兇○觥○莫○暫○停○

尾○世○情○顛○倒○渾○無○定○莫○憚○善○小○不○行○做○賊○的○惹○禍○兇○忠○孝○的○天○祚○永○

世事悠悠過眼空

利名富貴逐東風

莊周蝴蝶今何在

總在一場大夢中

雙蝶夢卷之下終

